



کوا بیسی الجان

عہ اصدان صقیقہ

نورہان احمد فتوی

كوايس الجان

للكاتبة

نورهان احمد فتحى

مقدمة

بين احقيقة والخيال تظل احلامنا تأخذنا في رحلات
عبر عوالم خرى لاندركها ، هل هي حقيقة ؟ هل هي خيال ؟ أم
أنها إحدى طرق تواصل كيانات العوالم الخفية و المجهولة لنا
كوابس الجاز ستأخذك في رحلة لنعرف ما ايز كانت أضغاث احلام
أم أنها حقائق عن عوالم لاندركها

الاهداء

إلى شمس أنارت دربي وقمر اهتديت به ليلا

إلى أمي وأبي

اطال الله أعماركم ورزقكم الصحة والعافية

نورها زاحمد قحبي

سحر بالإثارة

نورهان أحمد فتحي

سحر الإثارة

كان عندنا بيت في قرية قديمة و بعيدة عن المدينة البيت ده زي بيوت زمان جميل و كبير و هادي بس احنا كنا بنروح كل سنة مرة أو مرتين أو في المناسبات انا اسمي شبنم وقت ما حصلت الحكاية دي كان عمري ١٩ سنة الحقيقة أننا كنا بنرتاح في البيت ده جدا و دايمًا جدي كان يشرط أننا نجمع دائمًا فيه في المناسبات و الاعياد لحد ما للأسف توفي جدي في البيت ده و كان أمر محزن علينا كلنا لأن جدي كان أكثر حد ييحب البيت ده و مهمت بمديقة البيت جدا و زارعها شجر فأكهة و بعد و فاته ب ٦ شهور كان كل واحدة رجع مدينته و شغله بس كنا بنحلم بأحلام غريبة و اوقات كوابيس و المشكلة إن محدش فينا كان بيعكي لتاني حاجة يعني مثلا والدي كان دائمًا يحلم بجدي إنه شكله غريب و يبجي في الحلم ليه فمه متخيط و أيده متكشفه و عينه كلها سواد

والدتي كانت ع طول مصابة بالجائوم لدرجة أنها في مرة جالها و هي صاحبة ودي كانت صدمة ليا يا نورهان لأنك قولتي أن أغلب الوقت ممكن يكون مش جن و أنها ممكن تكون اوهام من الارهاق الشديد و نادر لما يبقى جن بس في حالة والدتي أعتقد أنه جن لانها شافت قطة جت عند رجلها بين الصحو و النوم و اول ما

انتهت لها اتحولت لست عجوزة وحاولت تخنق والدتي و لدرجة إن حالها تشنجات
لما فوقناها قالت إنه كان كابوس و مرديتش تحكي عشان منخافش انا بقى كنت بجم
بجاجة تانية خالص كنت بجم ببنت شكلها حلو اوي اوي ماشاء الله قمر و فجأة
البنت بتعمل زي افلام الرعب بتكسر المراية و و تقطع شعرها بيه عشوائى و
بعدها جسمها بيتحرك بطريقة عشوائية كأن عضها بيتكسر و بيتحرك بغير إرادتها
لحد باب حديد و تتخبط فيه كأنها بتحاول تخرج غضب عنها و ايديها و رجلها في
وضعية كأنهم مرطين

الموضوع كان شبه يومي معانا بنشوفه في احلامنا و محدش فينا كان يعرف التاني
بيحلم بأيه و في يوم بالصدفة عمي كان جايلنا زيارة و أثناء ما كنا بنتكلم حكي أنه
هو و أولاده و زوجته بيحصلهم حاجات غريبة و بدأو يسمعو صراخ و ابن عمي
الصغير بيشوف جدي بشكل مرعب عندهم في البيت و زوجة عمي بتعلم بست
عجوزة شكلها مرعب بتحاول تفتح باب بيتهم كل يوم إنما عمي كان بيحلم إن في
حديقة في بيت جدي اللي كان في القرية ..

صدمة غريبة نزلت علينا و بدأ كل واحد فينا يحكي اللي بيشوفه لكن اللي حصل
بعد كدة كان أكبر من الاحلام كان عمرنا ما تتخيلوا

قرر والد وعمي أننا نروح القرية ونقعد في بيت جدي فترة نعرف ايه اللي بيحصل
لأن مش من الطبيعي أن كلنا تحصلنا كل الأحداث الغريبة دي بعد وفاه جدي ع
طول لدرجة أن والدي و جدي شكوا إن يكون جدي عمل ذنب أو عليه او امانة
لحد و مردهاش برغم إن جدي كان مقتدر جدا وعنده خير كثير لكن ده اللي جه
في بالهم

و نزلنا القرية و الوضع أصبح من سيئ لأسوء الموضوع تطور معنا بشكل غريب
اول ما دخلنا البيت حسين كأن الخطوات ثقيلة مش عارفة اجيبها لك ازاى لكن كأن
البيت مش مرحب بينا كأن فيه حد عاوزنا نمشي المهم سمينا بالله و دخلنا البيت
حديقة البيت كانت ممله جدا طبعا لان اللي كان ممتم بيها مات طرح الشجر كله
واقع ع الأرض و متاكل من الطيور و الحيوانات أثناء دخولي البيت حسيت بجرعة
حواليا و برغم برودة الجو إلا أن في نفس دافي جدا كان ملامس خدي و كأن حد
بينفخ عليا هوا سخن ..

استعدت بالله و بدأت انشغل انا و ماما و مرات عمي و اولادها في

تنظيف البيت و الحديقة بس الغرفة اللي مات فيها جدي مكنش باها راضي يفتح
ابدا فقال عمي خلاص سيبوها مقوله كدة كدة البيت كبير و مفيش حد هيبات فيها
حتى لو اتنضفت ..

اليوم كان طويل و مقدرناش نخلص كل حاجة فيه لكن قولنا ننام لأن الليل حل و
تاني يوم إن شاء الله نكمل و كانت تقريبا بداية اللعنة ، البيت كان عبارة عن
دورين زي اغلب البيوت الكبيرة بس البيوت القديمة تحت صالة كبيرة جدا و السور
اللي فوقها عدد كبير من الغرف حوالي تسعة و السطح كان فاضي جدي كان
محاطه بسور بس عشان لما حد يطلع يلعب ميقعش و كان فرشاه ليالي رمضان و
العزومات الكبيرة اللي كان يجتمع فيها أهالي البلد في بيته من وقت لتاني

لما الليل حل يانورهان بدأت تحصل احداث غريبة الساعة اتنين لليل بالظبط
بدأت اسمع صوت جري ناس كثير في اوضتي يعني مش رجل حد ولا اتنين لا كثير
بنتي عمي نادية كانت في الغرفة اللي جنبي ..

قولت يمكن حد صعي بس ده احنا مش كثير لدرجة دي قولت انا هروح اشوفها
صاحية ولا نائمة خبط عليها مرتين ما ردتش قولت يمكن نائمة ، فتحت الباب بهدوء
ملقتهاش في سريرها !

قولت بس يبقى هي صحيت هي و اخواتها و طلعت فوق الرووف و قعدو مع
بعض يهزرو و يجروا ..

طلعت من اوضتها و رجعت اوضتي و نمت سمعت صوت الباب يبخط

شجين : مين

نادية : انا نادية

شجين : تعالي يانادية انا صاحي

نادية : قومي افتحيلي انا مش عارفة ادخل

شجين : ليه الباب مفتوح

نادية : لا انا مش عارفة افتحه

انا اتخضيت و جريت ع الباب بفتحة فتح ع طول دخلت نادية و كان باين على
وشهل تعبير الهلع و الخوف

شجين مالك يا نادية في حاجة حصلت شكلك خايف

نادية بزعر : انا مش عاوزة اقعدي في البيت ده انا عاوزة ارواح البيت ده في حاجة

غلط بتحصل

شجن : في ايه قصدك ايه بالكلام ده

نادية : انا سمعت صوت ع الرووف فطلعت اشوف ايه الصوت ده لقيت حاجة

شبه كور الشهر كدة في حجم الاقدام بتجري بشكل غريب و يتخافوا و اول ما

شافوني جريوا عليا مرة واحدة ووقعوني من ع السلم و أنا خائفة من ساعتها و مش

عارفة اعمل ايه ..

مسكت ايديها حاولت اطمئنها أيدها كانت خشنة، خشنه جدا لدرجة صعبة لدرجة

و ساقعة لدرجة اني حسيت اني مأساة سمكة في أيدي من ايد بنت عمي قولتلها

متقلقيش انا جنبك اطمئني لو حابة تنامي عندي في الأوضة أنهارده نامي

لكن قطع كلامنا باب الأوضة كان بيخبط بسرعة و بشكل هستيري

قالتلي: متفتحيش ده أكيد هما ..

رديت و أنا الخوف بيجري في عروقي متقلقيش ممكن يكون اللي شوفته

كان حلم بس مش أكثر ، و جريت فتحت الباب و أنا بسمي الله و بقراً آيه الكرسى الصدمة لما فتحت الباب و لقيت لقيت نادية بنت عمي واقفة قداي لونها مخلوط و شكلها مرعوب جدا و قالتلي الحقي يا شجن انا سمعت صوت ع السطح طلعت اشوف مين لقيت كينات غريبة شبه الاقدام وقوعي من ع السلم نزلت اجري و أنا بصرخ و بنادي ع بابا..

أنا من الصدمة فضلت واقفة دقيقة مش عارفة اتكلم بمحاول التفت اللي كانت قاعدة معايا ع السرير دي تبقي مين عشان المح كائن قاعد ع السرير بنفس الوصف بالظبط و بيتسملني بشكل مرعب ..

لقيت لنادية و صرخت في وشها و طلعت اجري من الأوضة و هي بتجري ورايا و رايجين في اتجاة غرفة والدي نحاول نفتح الابواب مفيش باب يفتح ولا حد بيرد علينا بدأنا نجري في كل مكان في البيت نحاول نلاقي تليفون نرن على اي حد ينجدنا احنا مش عارفين هما في البيت ولا لا

الباب فتح أثناء ما احنا بنجري و قفنا فجأ بغير إرادتنا فجأة كأننا اتجمدنا و شوفنا ظل ناحية غرفة جدي اللي مات فيها دخل الأوضة كأنه اخترق الباب و بعدها

بدقيقتين و احنا في حالة التجمد ووضع التيبس ده سمعنا نحنحه جدي و هو قائم

بليل يبص علينا و يشرب

و عيني بس اللي بتتحرك شوفت جدي ايوا جدي اللي مات شوفتوا قدامي فتح

باب الغرفة و دخل و قفل الباب مع قفلته للباب النور قطع

لما النور قطع حسيت اني من الخوف اتجمدت في مكاني سمعت صوت باب غرفة

جدي بيتفتح صرخت و من صرختي صرخت نية و من صوتنا صحي البيت كله و

النور اول ما صحبوا رجع بس لما قاموا كانت الصدمة إن نادية كانت صاحبة معاهم و

شكها يقول أنها فعلا كانت نايمة و لما حطيت اللي حصل و إن نادية جاتلي

وحكيت اللي قالته و الي حصل بعدها نادية استغربت جدا وقالت حاجة غريبة

جدا قالت إنها مقامتش من النوم لكن حلمت بالناس اللي كانت ع السطح و أنها

وقعت و أن فعلا حست بحاجة غريبة لأنها لما وقعت في الحلم حست انها في

الحقيقة كانت مرفوعة عن السرير و اول ما وقعت في الحلم صحيت و حست انها

كأنها اتهدبت ع السرير و لما قامت النور كان مقطوع و حاولت كثير تفتح الباب

لكن مكنش يفتح لحدا ما سمعت الصراخ و الباب فتح و النور جه و طلعت هي

تجري من الغرفة

لكن في حاجة كلنا شوفناها بعد ما هدينا و اهل البيت كله صحيو و طمنونا و قالوا
إن كل ده كان كابوس أكيد و اني ممكن أكون اتخضيت و كلام كثير مش مقنع بالمرة
، لقينا غرفة جدي النور فيها بيرعش و فجأة طفى مع صوت فرقة لمبة الغرفة كلنا
اتخضينا لكن جدي و بابا فضلوا يقرأوا قرآن لحد اذان الفجر و مع اذان الفجر كل
شئ هدي كأن محصلش حاجة و رجعنا نمنا تاني لأننا كنا مجهدين من شغل البيت
طول اليوم ..

تاني يوم مر عادي والدي و عمي بدأو يسألوا اغلب أهالي القرية و الناس اللي
حوالينا عن لو حد كان ليه أمانة أو دين كان على جدي لكن الكل قال إنه جدي
خيره كان مغرقهم و إنه راجل محترم و أهل القرية كلها بيدعوله ، الموضوع كان غريب
امال ايه الاحلام اللي بنحلمها دي و ليه اللي يحصل ده لما عمي و والدي رجعلنا
و بلغونا اللي حصل استغرينا جدا و بدأنا ندور في البيت ع ايه السبب اللي مخلصنا
كلنا يحصلنا احداث غريبة لدرجة إن عمي شك أننا مسحورين بدأنا ندور في البيت
كله ع اي حاجة تدل ع وجود أمانة أو حتى سحر، ملقناش حاجة و قعدنا باقي
اليوم نفتكر في جدي و اللي حصل و قد ايه هو كان مهم بينا و بالبيت

و كانت ليلة حزينة فعلا لكن الساعة ٢ بليل حصل نفس الجري ع السطح و أنا
لما سمعت لكن متحركتش غطيت نفسي من اول لآخر و لكن للاسف لم تمر



الليلة مرور الكرام الأوضة كانت بتدور بيا حرفيا و بدأت اسمع صوت صراخ بنت و
عياطها و مش فاهمة الصوت جاي منين قفلت عيني اوي و مش عارفة انا نمت ولا
فقدت الوعي لكن شوفت بنت جميلة اوي صهباء قاعدة في غرفة ايديها و رجلها
مربوطة و في باب مقفول عليها من حديد هزيلة و ضعيفة و بتقولي انقذيني اتي
الوحيدة اللي تقدر تنقذينا فسألتها في الحلم اساعدك ازاى انقذك من ايه لقيت كأن
صوتها راح و هي بتتكلم لكن مفيش صوت خالص و بتبكي بصوت مكتوم قولتلها
قولي اي حاجة اي ..

حاجة تخليني اساعدك فضلت تحاول تتكلم لكن مفيش فائدة و فجأ صرخت و قالت
خليبييل و فقدت الوعي ..

أنا صحيت ع صوت اذان الفجر صليت الفجر و بدل ما كل الناس بتسمع صوت
الديك الصبح انا سمعت صوت الغراب الغريبة إن نادر جدا لما كنا نشوف غراب
ناحية بيت جدي و حتى لو كان بيبقى موجود كان بيبقى ناحية الحديقة مش ناحية
الغرف ابدأ صوت الغراب قرب اوي لدرجة أن جه و وقف ع شبكي و بدأ ينقر انا
استغريت و استعدت بالله من الشيطان الرجيم لأنني مش بحب صوت

الغراب ابدأ...

قعدت اقرا شوية في كني و العب ع الموبايل لحد ما كل البيت صحي نشاطاتنا في البيت كانت محدودة جدا و بدأنا نشعر بالملل فستاأذنت من والدي و زوجة عمي أننا ننزل نتمشى انا و بنت عمي في القرية شوية و محكتش لحد ع الحلم اللي حلمته و لكن اتكلمت ع موضوع الغراب و الكل كان حاسس ان في حاجة غريبة و لكن قاله يمكن عشان جدي لسه ميت قريب ، المهم نزلنا انا و بنت عمي نتمشى في القرية و جيبنا كمان بعض طلبات البيت لكن انا في بيت في القرية شكله قديم شوية لما شوفته حسيت إنني عاوزة ادخله لكن بنت عمي شدتني من ايدي و قالتلي يلا نروح كفاية الأحداث الغريبة اللي بتحصلنا و بالفعل روحنا

لما رجعنا البيت كان عندنا ضيف عمي قال انه شيخ و جاي يقرأ في البيت و يحصنه لأن عمي كان متأكد أننا اتسحرنا و السبب في كل ده البيت

و الشيخ حصنهم و قرأ في البيت و قال إن البيت مفيش فيه حاجة و إن روح جدي متعلقة بينا بس مش أكثر و هتمشي و قرأ على كل الموجودين في البيت و جه عند نادية و قالها اتني محسودة حسد شديد اوي و حصنها جه عندي و قام باصلي و مبتسم ابتسامه خبيثة و قالني :-

اتقي عارفة إن اسمك حلو اوي يا شعبن انا اتخضيت هو عرف اسمي منين لكن عمي فضل يقول الله اكبر الله اكبر وكان الشيخ اكتشف اختراع جديد مثلا فسألته عرفت اسمي منين قالي بنت عمك نادت عليكى بيه اول ما دخلتي فضحكت ع عمي وإن الشيخ مبرره منطقي ع الرغم من عدم سماعي لبنت عمي بتناديني و قال إن أنا المتضرر الرئيسي في البيت و كل اللي بيحصل بسببي ..

قال لني اتسيت اول مرة دخلت البيت و إن جدي كان عاملي حمايه و اتهمت بموته و بدأ يقرأ عليا كان يقول بصوت عالي و قوي ايات من القرآن الصراحة و فجأة يوطي صوته جدا لدرجة اني مش سمعاه يقول ايه و قال أنه لازم المرة الجاية اروحله البيت يرقيني هناك او في اي مكان بره لأن طول مانا في البيت ممكن اتضرر أكثر من كدة أنا بصراحة مكنتش حاسة بحاجة غير تمثيل و كانت بتجيبني صور كدة عن بيتنا و البنات في الحلم و بيت جدي و صورة الشيخ و صورة شاب و سيم واقف بعيد ، و خلاص قرر الشيخ أنه يمشي و لقيت عمي و هو بيوصله ويقول عي السلامة مع الف سلامة يا شيخ خليل خليل مش ممكن معقوله ده خليل اللي البنات قالت اسمه في الحلم هو ده اللي هيساعدها

معقولة فكرت انادي عليه و احكيه الحلم و بعد كدة فكرت شوية قولت هقوله ايه انا حلمت بواحده بتقول خليل فكترته انت

و من بعد دخول الراجل ده البيت كله بقى مش يبشوف حاجة لكن انا و بنت
عمي مكناش بنام من الرعب

انا كنت بشوف و أنا نائمة و صاحبة مرة اشوف ظلال طويله يتمشي في البيت و
مرة تانية اشوف جدي مشنوق في صالة البيت الكبيرة نور الحمام ينور بليل و
الحنفية تتفتح و و اسمع صوت جدي بينادي عليا اتجمد في مكاني لدرجة اني في يوم
كنت بسرح شعري قدام المراية شوفت شعري و كأن حد بيرفعه كله لفوق و فجأة
شدني من شعري حدفني ع ازاز المراية حاجبي اتفتح ، اليوم ده قرر والدي أننا
نمشي مهما حصل

أثناء كل اللي يشوفه بنتي عمي كانت طول الوقت سرحانة مش نائمة لكن هي مش
صاحبة مش سمعانا احنا كنا في الحال ده لمدة أسبوع تقريبا طول الاسبوع كانت
ما بتكلش و لو كلت ما بتقريش من الماية ابدا الا في أضييق الظروف كان لو
اتكلمت تقول انها بتشوف كل يوم واحد واقف بعيد بيناديا و أن كل يوم المسافة
بتقرب مش بس كدة موضوع أنها كانت بتترفع عن السرير ، وهي نائمة و تقع مرة
واحدة عليه ده اتكرر ٣ مرات لدرجة أن من شدة الهددة كنا بنسمعها في الغرف
قعدينا ع الحال ده اسبوع و في اليوم اللي حصل فيه موضوع شعري ده

نمت وحلمت حلم غريب

حلمت إن البنت الجميلة الصهباء بتضحك مع بنت تانية في بلكونه البيت القديم اللي شوفته في القرية فكراه يا نورهان !

و فجأة البنت الجميلة دي فجأة جه طائر شكله غريب تحسيه اسطوري اقرب ما يكون من الطاووس بس لونه احمر في أسود طار حوالينا البيت و نفخ في البيت و كان إعصار حارق ضرب البيت البنت الصهباء وقعت في الأرض و بقت أعزكم الله تتقيأ عشر و تراب و سائل لونه اسود وبدأت تقع في الأرض و اشوفها في الغرفة اللي بابها حديد

ثم المشهد يتبدل و يحصل نفس اللي حصل بس مع شاب وسيم كان قاعد بيناكر و حصل نفس اللي حصل لكن الشاب مكنش في غرفة حديد الشاب بعد ما وقع قام و ظهر جنبه كيان شبهه عينه أوسع لكن مجوفة شكله مربع و بدأ ييتسم بخبث و جري عليا و مسكني من رقبتني ، و فضل يخنق فيا ، يخنق جامد لحد ما صحيت ع صوت والدي و هو يقرأ قران عليا تحديدا ايه الكرسي و لما فقت قالي سمعناكي بتكلمي بصوت أجش و بتقولي لازم تموتي لازم تموتي

ايه اللي حصل يا بنتي فقولت لوالدي ده كابوس

ردي عمي قال بكرة قبل ما تمشي هجيب الشيخ خليل يرقها هي و بنتي و نسيب
المكان ده و اللي حصل حصل طالما مش عليه دين ولا لحد حاجة عندنا خلاص
تمشي

تاني يوم لما جه جهزنا حاجتنا و كل حاجة و استعدادنا أننا تمشي ، و أنا بلم حاجتي
سمعت صوت الغراب تاني طلعت برا بيت لقيته واقف حسيت كأنه عاوز يوصلني
حاجة الغراب مشي ع رجلاه خطوتين و طار

طار لحد شجرة في حديقة جدي شجرة معينة شكلها غريب و موقعها كمان غريب
الشجرة دي اطول من باقي الشجر مش مطلعة اي ثمار انا نفسي مكنتش عارفة
هي شجرة ايه شكلها قديم كأنها كانت موجودة قبل ما البيت يتبني و وقف الغراب
عليها و بدأ يعنق بشكل شديد جدا ع الشجرة و كل ما امشي يطير فوق و يروح
للشجرة انا خفت بصراحة من الغراب دخلت البيت تاني ، بعد نص ساعة جه
الشيخ خليل ، اول ما جه الشيخ ده بنت عمي عملت حاجة غريبة جدا كانت في
غرفتها فوق معرفش عرفت ازاي إنه جه لقيتها نزلت تجري و اول ما شافته اترمت
في حضنه و فضلت حضناه قدامنا كلنا و قالتله انت وحشتني اوي

احنا اتصدمنا صدمة غريبة عمي و والدي جريوا ع بنت عمي حاولوا يبعدها عنه
خاصة أنها كانت من غير الحجاب و عمي بدأ يزقق لدرجة أنه شدها من شعرها لحد
ما الشيخ قالمها اهدوا اهدوا

دي مش بنتكم دي كان اتمسيت في البيت الحقيقة عمل نفس المرة اللي فاتت بيقرأ
عليها بالصوت العالي و منخفض الآيات

بنت عمي بعد ما كانت واقفة ركعت عند رجليه و عملت حركة غريبة جدا حسيت
كأنها مستسلمة في حاجة غريبة فقالمهم للاسف البنيت دي لازم تترقا بعيد عن البيت
لكن مش هتقدروا تطلعوا بره القرية

رديت عليه انا وقتها قولتله وانت مين قالك أننا هنطلع بره القرية احنا قاعدين و انت
مش هتدخل البيت ده ثاني

بصلي بغضب و قلالي ما تتحدنيش يا شجن ، و عمي يقولي عيب تتكلمي بالاسلوب
ده و والدي يقول لاحول ولا قوة الا بالله و بدأ يتعصب ع الشيخ لأنه مش
عاجبك الوضع ..

قومت بنت عمي من ع الأرض و اتخاقت معاهم قولتله احنا في لعنة من اول ما
رجلك خطت البيت ده و بنت عمي كانت احسن من قبل ما تشوفك دي كأنها
اتجنت اصلا انت شكلك مش شيخ وكل اللي بتعمله غريب ولولا اهلي و انك
بتقرا ايات من كتاب الله كنت طردتك من اول مرة دخلت البيت ده عمي بدأ
يصرخ عليا إن ازاي اكلم الشيخ كدة والدي وقفه وقاله هي كدة انتهت احنا همنشي
يعني همنشي و الشيخ خليل رد وقال أنا هسامحك ع اللي قولتبه عشان اتني
متعريفش حاجة ولا تعرفي اتني بتتكلمي مين كدة أنا همشي و لما تحتاجي يا حاج
انت عارف انا فين

اول ما مشي بنت عمي وفقدت الوعي و بقت تصحى تصرخ و تنام تاني و جنبها
دكتور قال لازم تاخذ حقنه مهدئ و بالفعل اخذتها

طبعا بعد حالة بنت عمي مقدرناش نمشي و قعدنا ليلة كمان جدي كان ليه صاحب
قديم من القرية و الفترة اللي مات فيها جدي صاحبه ده كان عند أولاده في فرنسا و
رجع و لما سمع باللي حصل جه للبيت عشان يعزي و قعد اتكلم معانا و كان كأن
جدي هو اللي قاعد معانا ضحكنا و أكلنا و أثناء ماكان بيحكى بنت عمي بصت فجأة
للسقف و سرحت ...

لما صاحب جدي مجدي شاف اللي حصل ده عمل نفسه مش واخذ باله و قالي هاتيلي يا بنتي كوابية مائة ريتي نشف من الحكايات و فعلا جبتها و اخذ الكوابية و قربها منه اوي و قال حاجة في المائة و ساها جنبه و أثناء ما بيتكلم و بيحكي حدف المائة يا بنتي عمي

بنت عمي شهقت كأنها كانت ميتة و روحها رجعتها و فضلت تصرخ و تبكي، و تقول انت حدفت عليا ايه حدفت عليا ايه انا حاسة بنار نار و فعلا كانت بتتحرك و تتشجج كأن اتحدف عليها مادة كاوية مش مايه من الحنفية و أنا اللي جيبها بنفسي ، و فجأ لقيته بيقول في حبل في الأوضة اللي تحت بير السلم قومي هاتيه قولته ليه قالي قومي يلا بصوت عالي و أنا كأني مسحورة رحت جنبته من المكان حتى من غير ما انور الغرفة كأني عارفة مكانه

اخدها جدي و كان والدي في الحديق لسه قافل المكاملة لأنه كان يمد إجازته من الشغل و داخل من برة قاله هات البنبت و تعالي انت و ابوها بسرعة

و دخلوا الغرفة اللي في الصاله اللي تحت غرفة صغيرة كدة و شد جدو مجدي ملاية بيضة من اللي مفروشين ع الاثاث و غطى بيها بنت عمي و قرأ القرآن بصوت عالي بشكل جميل و تلاوة جميلة في حياتي ما سمعت زبها و لكن للاسف مكنتش عارفة

اركر من صوت بنت عمي و صراخها وصوتها كان يتتغير مش صوت راجل زي ما
بيقولوا لا دة كان في حيوان بالمعنى الحرفي يتكلم من جواها لحد ما بدأ النجف في
البيت كله يتحرك و جدو مجدي يقرأ بصوت عالي و فجأة قال كل اللي في البيت
يذكروا الله كل اللي في البيت يذكروا الله انا مش هقدر عليهم لوحدي بدأنا نذكر
الله كلنا قرأ قرآن و نسبح و نستغفر يعني كل واحد كان يقول اللي يجي ع لسانه
و اقسلمكم إننا سمعنا صوت ناس غيرنا في البيت يبسبحوا و يقولوا الشهادة و
ايات معينة من القرآن و تحديدا سورة الصافات لدرجة إن أنا فقدت الوعي و قت
تاني و الاصوات دي بتكلم احنا كلنا كنا مرعوبين معادا جدي مجدي صاحب
جدو

بعدها بنت عمي هديت و صوتها رجع لطبيعته و نامت في هدوء و البيت نفسه
كأنه كان في وش و سكت

بعد ما جدي خلص عرف اني فقدت الوعي أثناء ما كان في الغرفة لقيته سألني اتني
اللي أغمى عليك قوتله اه

قالي مش فاكدة شوفتي ايه في المنام

وكان السؤال نور دماغي فكري بالي حصل كله قولته اه شوفت قالي شوفتي ايه
رديت اللهم اجعله خير

شوفت بنت جميلة صهباء جميلة جدا يا جدو واقفة في البلكونة بتضحك مع بنت
تانية البنت الصهباء دي اسمها ليلي ده الاسم اللي كانت بتناديها بيه صاحبها في
الحلم و بعد كدة شوفت طير اقرب لطاووس بس اكبر كانه من الخيال يطير
حوالينا البيت و بينفخ ع البيت و بلكونه البنت و حكيت نفس الحلم اللي فات

قالي جدي و بعدين مش فاكرة حاجة تانية

قولته لا فاكرة المرة دي بعد ما شوفت الكيان اللي شبه الشاب شوفت واحد تاني
بيجرح نفسه و بياخد من دمه بيكتب ع ورقة و صورة ليلي كلام غريب ورموز و
ارقام و طبق الورقة كان في قفس مغطيه كان فيه مسك الغراب و حقنه الغراب
متحركش بعدها و فتح فم الغراب حط فيه الورقة و ربط منقاره بسلك معدني رفيع
و لحم السلك المادة كانت سخنة جدا لدرجة أن الغراب اتحرك برغم أنه كان شبه
ميت و لكن مكشش قادر يطير و رجع كتب ورقة تانية و ربطها في رجل الغراب و
جاب جلد باين كانه جلد حيوان و كتب عليه تاني نفس الكلام تقريبا و المرة دي

حط صورة شاب بس مكنتش باينة ساعتها الغراب كان بدأ يفوق و فجأة الغراب
قام طار في المكان وخطب في كل مكان لحد ما طلع من شباك
الراجل قام بعدها و لف الورقة بالصورة و قفلها بقفل و قعد قال زي تعويذة ظهر
كيان طويل اسود إداله الجلد المكتوب عليه ومققول بقفل ده و الكيان علقه ع
الشجرة ايوا الشجرة اللي في بيتنا

أنا عارفة الشجرة دي يا جدو

قالى عارفة هي فين

قولتلوا ايوا عندنا الحديقة قالى قومي وريهاني طبعاً احنا كلنا كنا ماشين وراه قولتلته
هي الشجرة الطويلة دي اللي قاعد عليها الغراب بس حصلت حاجة من الغراب كان
صدمة بالسنة ليا لاني عمري ماتخيلت ده يحصل الغراب نزل عند جدو مجدي و
قف قدامة و قعد يعمل صوت كأنه بيكلمه كأنه بيحكليه حاجة نزل جدو مجدي و
مد أيده الغراب وقف عليها كأنه عصفورة طبطب عليه جدو وقالنا في سلم في
البيت جوا في نفس الغرفة اللي فيها الحبل دخل يا صالح هاته (صالح والدي) إن
شاء الله نخلص من الكرب و الابتلاء ده انهاردة

جاب والدي السلم و طلع جدو مجدي الشجرة مكنش شايف حاجة بس لقينا
الغراب قر في مكان ع الشجر اقسملك الورقة أو جلد الحيوان ده كان جوا الغصن
نفسه الغراب كان ناقر في المكان أكثر من مرة جدو هز الغصن أكثر من مرة لحد ما
كسره و شاف بالفعل الورقة اخدت الغصن و نزل لسة والدي بمسكته الغصن قاله
لأ و صرخ في وشه و قاله ممنوع حد فيكم يلمسوا ده سحر اعوذ بالله من الشيطان
الرجيم حسبي الله في نفوس البشر المؤذية

اتصدم والدي قالو سحر سحر ازاي و حصل امتي و لمين قالو السحر ده مش ليكم
اتم مضرورين بسبب ثاني

و الغراب واقف لجدي ثاني ع الأرض و يبنعق جدي مد أيده ثاني و اخد الغراب
و لقيته يقول للغراي انت حكايتك ايه و نيس حصلك ايه و أنا مش هنا لو قولتلكم
أن الغراب كان ناقص يبكي مش هتصدقوا الغراب طار و بقى كل ما يطير شويه
يرجع يبص ع جدو مجدي كأنه يقولوا تعالى ورايا هتصدقوني لو قولتلكم أن انا و
جدي و والدي سبناهم في البيت و مشينا و را الغراب حوالي نص ساعة لحد ما
رحنا في ارض محجورة و فاضية و لقينا الغراب نزل ع الأرض و فضل

يحرك في رجله كأنه بيدور ع حاجة حسيت كأن لازم نحضر في المكان ده اول ما
قربت من الغراب طار عليا كأنه مش عاوزني احبي انا لكن لما جدو مجدي حاول
الغراب سابه حفر جدي شوية مش كبير لقينا ايه بقي

لقينا غراب ميت و متدفون لسة متحللش لكن الريحة كانت صعبة جدا و الغراب
الصالحى اللي جدو مجدي مسميه و نيس واقف بيص لغراب الميت و كل ما جدو
مجدي يحاول يطلعه العايش ينطق ، كأنه انسان بيبيكي ع اخوه أو حد قريه مات

لكن جدو مجدي كان حزين لانه الغراب اللي ميت اتى و جدو مجدي كان عارفها
لأن الغرايين كانوا يعتبروا من طيور المزرعة و الحديقة عارفهم و كان مركلهم اساور
في رجولهم عشان يعرفهم كم جدو مجدي بكمه نفسه و طلع الغراب و حاول يفك
الشمع و فك الورق اللي في رجل الطير و الحمد لله طلع الورقة و شفنا صورة
البنث و جدو قال لازم نعرف البنتي بنت مين

رجعنا البيت و ممناش كلنا لحد الفجر الغراب مرجعش ماشوفنا هوش انا كل اللي
فكره أنه فضل يحرك في الغراب الميت لحد ما دخلها تاني الحفرة و حرك التراب لحد
ماغطاها كأنه بيدفن بالظبط اخذ جدو مجدي الأعمال ، و قال هو هيسال و
يعرف هيفكها ازاى

أثناء الكلام حكيتله على الشيخ خليل و اللي عمله و اللي حصل ردي عليا و قالي
مستحيل الشيخ خليل يعمل كدة اصلا الشيخ خليل مش بيروح البيت لحد
طبعاً دي معلومة كانت جديدة علينا جدو مجدي كان جاي مليئ بالمفاجآت بقينا
نسأل بعض ده جالنا هو اللي جانا لوحده و محدش فينا راحله حاجات غريبة
بتحصل و احنا مش فاهمين حاجة المهم اننا قررنا أننا بعد العشاء ندور ع البنت و
الشاب اللي في الصور قعدنا ندور في القرية حوالي ساعة متستغريوش القرية مش
كبيرة و الكل عارف بعضه لحد ما وصلنا للبنت و الشاب و عرفنا الحكاية
لحد ما لقينا الست اللي كانت بتساعد في بيت اهل الشاب و البنت و حكيت الحكاية
الحكاية هي إن كان في شاب و سيم في القرية كان طيب و كانت ليه جارة معجبه
بيه جدا حاولت أنها تقربله لكن مفيش فائدة الشاب خطب بنت و قعد معاها سنة
و نص و محصلش نصيب رجعت جارتة حاولت معاه تاني لكن مستجيش في
البداية فراحت البنت و عملت سحر للشاب ده بالحبة أو ده اللي كانت فكراه يعني
الحقيقة إن الدجال اللي راحته البنت كان شخص مؤذي لأقصى حد عملها سحر
بالحبه و دمار مستقبله و تعب و ادمان و ارتكاب محرمات و تدمير سمعته

طيب ليه كدة عشان لما يتعب و يحاول يلجأه

وبالفعل يتبدل حاله يطلبه راقى يساعده فالبنت اللي عامله العمل لأنها قريبة لعائلة الشاب قررت انها ترحح مين الدجال اللي راحتله ع أساس راقى و يعالجه ، الموضوع ده متداول في القرية عادي بيحصل كل شوية زي ما عمي جاب الشيخ خليل كدة، الدجال اللي جه لما دخل و عمل حركاته دي طلب أهل البيت كلهم يحضروا عشان محدش يتنذري وهو بيخرج الجن و للاسف كلهم حضروا و شاف الدجال اخت الطبيب ووقع في حبها من النظرة الأولى لدرجة أنه حاول يطل السحر بجد عن اخو البنت و قبل ما يمشي عرض على والد البنت إنه يخطبها فرد و قال إنها لسه في ثانوي وعاوزه تكمل تعليمها هي تبان أكبر من سنها لكنها صغيرة اوي عليك يا شيخنا الشيخ مكنش كبير اوي لكن الاب تهرب منه بالحجة دي حاول الدجال يدخل البيت بحجة أنه يعالج اخوها لكن الحقيقة أنه كان بيتعبه أكثر عشان يفضل يجي و يشوف البنت و لكن حصل أمر مكنش ع البال و هو إن ليلي كانت متابعة اللي بيحصل لأخوها و للبيت كله وإن لما الدجاله بيعي اخوها يخف مؤقت و يرجع ينتكس تاني فقررت ليلي تواجه الدجال و تقوله انت من يوم ما دخلت البيت ده و احنا كلنا تعبانين و حالة كل واحد منا من سيئ لأسوء ..

انا مش مصدقة انك شيخ ، اصلا ازاي شيخ و انت مستحل حرمة البيت و
بتعاكسني و تبصلي بنظرات غريبة في الداخل و الخارجة كمان تلميحائك كلها في اني
عندي مس تقولي مكتوب ع دهرك لاع كتفك اصل الجن هيطلع من ضوافرك انا
مش مرتحالك و لا مرتاحة لئصرفاتك صرخ عليها الدجال تهديدات ووعيد من نوع
اخرسي بدل ما اسحق بدل ما اسخطك هخليكي تتمني الموت و تيجي تركعي تحت
رجلي تطلبي رحمتي بترفضيني انا ! أنا هخليكي تحلمي بيا و تجيني لحد عندي
خاضعة و كلام كثير ..

طبعاً الاب و الام لما سمعوا الصوت حضروا و الاب مسك في خناق الدجال و
طرده

الموضوع مكنش مجرد كلام القرية صغيرة و ثاني يوم البلد كلها كانت عارفة بالس
حصل في بيت ابو ليلي و فضيحة شيخ البلد اللي اتعرف إنه دجال و الكل كان
مستغرب ازاي الراجل اللي حافظ كتاب الله و ماشي يعالجهم ببلاش وصل بكدة
و اتقسمت آراء أهالي القرية لقسمين قسم متفق مع ليلي و قسم اخر متفق مع
الدجال

الرجال لما اعد و سمع اللي حصل و شاف استنكار الناس منه قرر ينتقم عمل ايه
ايه بقى عمل سحر للشباب بالوقوع في الكباثر و الجنون و الموت بالفعل الشاب كان
عارف انها بتحبه استدرجها لما عرفت نواياه حاولت تصرخ و تهرب بس للاسف
معرفتش و اثناء محاولات الهرب منه قتلها خنقها حتى الموت و لما شافها ميتة فقد
عقله مستحمله المنظر برغم أنه طيب مقدرش يتخيل أنه اعتدى ع البنت و
قتلها فتجنن و طلع قدام أهل البلد يجري و راح عند محطة القطر و رمى نفسه
قدامه القطر و مات طب و أخته ..

للاسف في نفس الوقت اللي عمل لأخوها العمل ده عمل سحر للبنت اسمه سحر
الإثارة و هو سحر بيتعمل و بيتربط بين شخصين و السحر ده العن من سحر المحبة
لأنه كان عاوزها تجيله و تطلب و ترجاه قدام القرية كلها أنه يرتكب معاها

واقعة الزنا و سمعتها تبقى في الأرض و محدش يقرب ليها كان سحر بالجنون البنت
كانت بين الحين و الآخر يحصلها حالة هياج رهيبه تصرخ و تجري في البيت و لأنها
كانت عارفة إنه إذنها طلبت من ابوها يجلسها في غرفة في البدروم غرفة كانت
موجودة في البيت من زمان تحت الارض بابها حديد وي اصلا اللي اتبنى عليها
البيت و في ناس بتقول أن الغرفة دي كانت من أيام الحرب و اتبنى البيت فوقها
من غير اي تعديلات

المهم البيت لأن لما كان يجيئها الحالة الهيتيرية دي و تجري ع الباب تحاول
تروح له ، كان كل البيت بيكتفها و مبيقدرش عليها لدرجة أن الأب كان بيكي و
ينهار هو و الام و يقول خسرت واحد بلاش اخسر الاتنين

فلما البنت فاقت من الحالة الحت ع والدها إنه يجبسها في البدروم و يقفل عليها
الباب الحديد و يريطها بأساور عشان متهربش لحد ما يلاقوا حل للعلاج لان البنت
لما كانت بتسمع بس القرآن أو تحاول تصلي كانت بتخبط دماغها في الحيطه أو
الحوض و كانت ممكن ترتفع عن الأرض و تنزل مرة واحدة عليها ، مع الوقت بدأت
تمرض و تضعف و تبطل تاكل و كانت كل اذان بصرخ لكن اخر فترة كانت بتأن
من الوجع مكنتش بتقدر تقف ع رجليها ..

اثناء ما كنا نحاول نخطلها حتى الاكل و الشرب كنا بنحس أن بؤها كأنه متخيظ
مفيش حاجة بتدخل الا السوايل

الاب قرر أنه يقفل البيت و ياخذ بنته في الليل و يمشي و خاصة بعد ابتعاد أهل
القرية كلهم عنه بعد عملة ابنه البنت كانت وهي ماشية شبه ميتته و كل اللي حكيت
لينا الست اللي بتساعدهم عن السحر ده قاله حد من الشيوخ قال إنه شاف كل
اللي حصل مع انها متعرفش شافه ازاي و فين لكن ورد علينا اشكال كتير قليل

عشان يعالجوا البنت لكن مكش في فائدة لأن الكلكان بيقول إن مكان السحر
مجهول

و فيهم واحد قال إن مكان السحر متعلق في طير كل ما الطير يطير و يتحرك هي
الحالة تجيلها و اول ما يقف هي بتقف و أن الطير مش هعيش كثير لو السحر ده
متعلق فيه و مع موت الطير هتموت هي كان

احنا كنا بنسمع انا ووالدي و جدو الكلام و مش عارفين ده بجد حصل ولا ده
أسطورة زي النداهة كدة في القرية

جدو مجدي قال انا هعرف المعلوماتي حقيقية ولا لا و هحاول اساعد انا لازم احبس
الدجالة ده لو فعلا حقيقة

أنا قولت في وقتها مفيش دليل معانا غير حلبي و أكيد ده مش دليل

قالني أنا هعرف و روحنا ممناش تاني يوم جه جدو مجدي و قالنا لازم نسير البيت
و كل واحد يروح يشوف شغله وهو هيجاول يحل الموضوع ولما يوصل لجديد
هيبغنا

بصراحة احنا كنا تعبنا جدا الفترة الي فاتت و كنا لازم نمشي و بالفعل روحنا و اول
ما وصلت حلمت بجدو ثاني مربوط و فمه متخيظ و بردو بالبنت و هي بتقول
خليبييل

قمت من النوم صليت ركعتين و قعدت اقرأ قرآن و غفلت ربع ساعة كدة شوف

البنت و هي بتشاور على واحد في الحلم و فقولتلها خليل فحركت رأسها يانه ايوا
خليل فمشيت في اتجاهه و هو واقف قدام مراية كأن اتنين نفس الشكل واقفين
قداي و طلع الشخص من المرايه معاه سوط و مشي في اتجاه خليل و جه من وراه
و خنقة لحد لما مات و بعدها اخذ السبحة من أيده و العمة لبسهم ووقف قدام
المراية و ابتسم بخبث و بصلي و جري ورايا و أنا اجري و هو يجري ورايا في الحلم
لحد ما عملت خدعة في الحلم جريت لحد بئر في الحلم و رحت واقفة فجأة و منبطحه
ع الأرض جه هو جري وقع في البئر و صحيت مخضوضه في الحلم لكن كنت فأكرة
شكل المكان اللي كنا فيه و حسيت اني عارفاه كلمت جدو مجدي قولتلوا دور ورا
الرجال شوف كان عنده اخوات و لا لا و غاب علينا جدو مجدي اسبوع كان و
كل البيت تمام انا بس اللي بشوف الكوايس

لحد ما جدو في يوم اتصل بوالدي و قاله قابلني انت و البنت في مستشفى

سأله والدي خير قاله أن شاء الله كل خير و بالفعل رحنا المستشفى و شاورلي ع
غرفة و قالي ركزي كدة يا بنتي انا عارف أنه مستحيل بس هي البنت اللي هناك
دي اللي بيتشوفها للاسف طلعت هي البنت بس حالتها كانت صعبة فين جمالها
بقت كأنها هيكل عظمي و في جزي كبير من جلدها كأنه عليه اثار حروق و حالتها
كأنها ميتة

قولت لجدي هياي البنت بس شكلها تعبان اوي قال لوالدي خد بنتك و استماني
تحت عندي خبر ليكم تاني بس اكلم والد البنت و امشي

نزلنا و شويه و جه جدو مجدي قالنا ...

الحقيقة إن البنت في حالة متأخرة جدا محدش كان عارف عندها ايه و احنا بقالنا
اربع ايام انا و خمسة كان بنحاول تفك العمل و نعالجها بالقران بطريقة معينة لأنها
اتأذت جدا نتيجة مقاومتها للسحر ..

البنت كانت ميتة أكلينيكيا و كان كمان في جزء من جلدها عنف و الدكاترة كانوا
عاجزين عن تشخيص حالتها و احنا الخمسة انا و خمسة كان بنحاول معاها

أما بالنسبة للدجال احنا عرفنا معلومة مكنشا متخيلنها انا طول الوقت كنت عاوز اعرف ايه سر إيمان أهل البلد بيه الفترة اللي فاتت فضلت أسأل قالوا إن الشيخ خليل كان إمام الجامع و برغم صغر سنه الا أنه كان بيحبه الكبير والصغير ويستشيره في كل شئ لحد من سنتين بس بدأت كل حاجة تتغير بقى ناس بتعبه و بتؤمن بيه جدا و ناس مش طايقاه لما كلمتيني عن عنده اخوات خلتيني انتبه إن ممكن يكون التغيير بسبب العائلة دورت وراه و عرف أنه والده ووالدته منفصلين من سن صغير و إنه هو اترى مع والده و كان نعم الابن و مرات أبوه كانت بتعبه كأنه إنها لكن الجانب المظلم هو إنه ليه اخ و اخ توأم لما سافرت لاهل والدته و اتكلمت معاها ع أساس أن ابنها متقدم لبنتي في البلد قالتلي انها بقالها سنين متعرفش عنه حاجة و إنه مش عايش معاها

فسألتها يعني مش عاوزة تعرفي هو فين أو تحضري فرحه قالتلي ده ملعون ، انا حتى مش عاوزة اعرف هو فين و تقريبا كانت هتطردي رجعت القرية و أنا قبل ما ارجع مبلغ الشرطة و الشرطة بعنت للمركزع إنه دجال ولازم يكشفوه و يفتشوا بيته هيلاقوا كل اعمال السحر ، والدجل .

الصدمة كانت أنهم لما دخلوا البيت يفتشوه لقوا السور الارضي من البيت في فريزر محطوط في غرفة لوحده الموضوع مش ملفت لكن الفريزر كان طالع منه ريحة بشعة

و ملحوظة مش اوي لكن باينة لما الطابط فتح الفريزر طلب دعم و تحفظ عليها في ساعتها ايمن قتل اخوه خليل و اخذ مكانه و لما كان طالع مقبوض عليه من البيت كان يقول هو ابويا اختاره اداله الخني و سابني الراجل غريب يقسى عليا هو الكل حبه و أنا الكل كرهني ، انا شيطان ، انا شيطان بسببه هو السبب و لسه بيحققه معاه و طبعا القرية مقلوبة قولتلوا طيب انا كدة خلاص مش هشوف كوايس ابتم بنظرة حزن و قالي يا بنتي احنا في كابوس اكبر و اخطر من اللي احنا فيه ده

قالي داومي ع الاذكار و سورة البقرة و ابتعدي عن اي حاجة ممكن تكسر حاجز التحصين و الحماية ده و أنا هحل كل الامور دي لأنها كانت في بيت صاحب عمري و يعتبر اخويا كان انا كنت راقي انا و خمسة اصدقائي زمان و كنا بنطلع السحر من المقابر و نقرأ للناس في بيوتهم و نعمل جلسات ذكر

فوالدي قاله اظن احنا مش مطلوب مننا حاجة دلوقتي قاله كل المطلوب انك تحمي بنتك و تحصنها

روحت البيت و أنا مداومة ع الاذكار و سورة البقرة و بعد شهر كانت ليلى بدأت تتحرك و تفوق طلعت من المستشفى ع كرسي متحرك و بدأت تستعيد ولو جزء من جمالها كان اهون عليها تموت و لا أنها ترتكب معصية و لا أنها تعمل ذنب حتى لو

غضب عنها كانت قويه و شجاعة حبيت فيها قوتها اللي مستحيل كانت ممكن تبقى
في حد ثاني و اول حد حبت تشوفه كان انا جاتلي مخصوص و قالتلي انا كنت
بشوفك في الحلم بتجري عليا تفتحيلي الباب و تفكي الاساور و تقوليلي ماتخفيش
مش هسيبك انا معاك و جنبك مش هسيبك الا لما احرك ...

و قعدنا اتكلمنا كثير و طلع دما خفيف جدا و جميلة الروح و الشكل

و بعد كدة الحياه كانت جميلة و مكنتش بشوف حاجة لحد ما حلمت بنفس حلم
جدي وهو متكفف و مربوط و فمه متخيظ و المره دي عينه مجوفه و بيخرج منها
لا دي حكاية ثانية احكيها بعدين ...

★★★★★ النهاية ★★★★★

شبح يسيء هيث

للكاتبة

نورهان أحمد فتحي

شبح يستغيث

انا اللي هحكىه كان رعب بالنسبة ليا انا اكثر من اى حاجة ممكن حد يتخيلها كان عندي واحدة صاحبتى اسمها شيماء شيماء كانت بتتعامل مع خياطة فى منطقة معروفة الخياطة ، دي كانت بتعملها لبسها بس انا مكنتش بحب اروح معاها عندها لان اخوات الخياطة دول مشكلجية و أخلاقهم مش احسن حاجة المهم أن حصل مشكلة فى يوم الترزىة دي بوظت لصاحبتى چاڤيت جينز حرقتة أثناء المكواه و العلامة كانت باينة، فقررت صاحبتى أنها تروح لها بيه تانى و تتكلم معاها الحقيقة يومها كان اخوها الكبير موجود و كان بيتكلم بإسلوب اسفة فى الكلمة بلطجة و اثناء ما بيتكلم انا لمحت قطرفى أيدى ، و حاولت المح لصاحبتى أننا نمشي لأنها كانت بتكلم و هي خائفة جدا معاهم و حاولت بكل ادب تحل المشكلة انا لما زهقت من محاولتى لإقناعها انها تمشي معايا خفت ع نفسى منهم لما لاحظت أنهم هيتكاتروا علينا و قررت انى امشى ، برغم أنهم قالوا خلاص هيصلحوه و يعملوه قطع الجاڤيت انا اخدت بعضى و مشيت و هي جريت ورايا تانى يوم قالتلى تعالي معايا نروح نجيب الجاڤيت بصراحة أنا خوفت ع نفسى قولتلها لا انا عمري

ما اروح ثاني المكان ده ولا الاشكال دي أنا اخاف يعملو فينا حاجة قاتلي و
الجايكيت قولتها يتحرق الجايكيت يابنتي بقولك شكلهم غلط كلهم قاتلي خلاص
هروح لوحدي قولتها شوفي حد كبير يروح معاكي متروحيش لوحك قاتلي حاضر
هروح و اكلم ابن عمي يروح معايا ..

عدى اليوم و ثاني يوم مجتث الجامعة ارن عليها موبايلها مققول يوم في الثاني في
الثالث ارن الموبايل مققول ثالث يوم بليل والبتها رنت عليا سألني اخر مرة شوفتها
امتي قولتها اخر مرة شوفتها كانت من ٣ ايام قاتلي مش فاكدة راحت فين قاتلك
ايه قولتها لا ياطنت و الله مقاتلتش هي اخر حاجة كانت مروحة معايا لا استني اه
هي قاتلي هتكلم ابن عمها الكبير عشان تروح معاه للخياطة قاتلي ونبي يا بنتي لو
تعرفي حاجة عنها أو كلمتك قوليلها ترجع و ماتحرقش قلبي عليها اكثر من كدة
قولتها حاضر ..

بس انا قلقت و شكيت إن ممكن يكون حصلها حاجة و لا راحت للخياطة و عملوا
فيها حاجة ثاني يوم كلمت مامتها و سألت لو في اخبار قاتلي لاهي و لا بن عمها
موجودين ابن عمها مسافر بقالوا اسبوع و هي مختفية هي محكش ليكي
حاجة مثلا تكون كان فيه حاجة بينها و بينه ..

قولتها لا والله شيء مبتكرش كدة ابدأ لو في حاجة كنت هقولك ع طول مش
هسيك تدوري كل ده ..

وكلمت المكلمة معاها أنهم لو محتاجين حاجة يبلغوني و ما الى ذلك و قفلت معاها
المكلمة و دخلت اعمل فنجان قهوة سمعت باب البيت يبخط بشكل هستيري
جريت افتح لقيت شيء واقفة قدامي من غير طرحة و جسمها كأنها بعتر عن
الكلمة عارية بس مش باين من الطين و بتقولي شيء :استريني استريني

اول ما شوفتها كدة انهارت من البكى ..

نهى : ادخلي ادخلي ..

من شدة الصدمة شليت الشال من ع كتفي في ساعتها غطيتها بيه

نهى: ايه اللي حصل.. احكي لي .. استني احبيك ماية تشري

كان جسمها عبارة عن لوح تلج ، و أنا كل اللي عليا اسألها

نهى: ايه اللي حصل و جيتي ازاي و مشيتي كدة في الشارع ومحدث اداكي حاجا

تلبسها !

شيء: استرني غطيني .. و استرني .. اتني الوحيدة اللي هتقتدي تسترني

نهى : تعالي يا حبيبي ادخلي اغسلي وشك أو خدي دش ع ما اجيبك لبس من عندي ..

شيء بيكي هستيري : استرني استرني ابوس ايدك استرني انا بقالي يومين في الشارع بردانة و عارية اعلمي اي حاجة قولي لماما لعلي لخاللي اي حد اي حد و استرني ..

نهى : يا حبيبي اهدي و احكي لي و أنا هعملك كل اللي اتني عايزاه حصل ايه و ازاي فهميني بس الاول خدي دش و غيري ع ما اكلم مامتك اطمئنها عليكي و دخلتها أعزكم الله الحمام بالفعل و فجأة سمعت باب الشقة يبخط بقوة تاني جريت ع الباب اشوف مين لقيت ماما

نهى : ادخلي ياماما ادخلي بسرعة شيء جتلي لقيتها ياماما لقيتها

ماما : بجد يا بنتي هي فين

نهى : في الحمام دي حالتها حالة و شكلها غريب و متلجة

ماما : لاحول ولا قوة الا بالله و جاتلك ليه مراحتش بيتها ليه

نهى : حالتها مكش ينفع تروح لامها كدة كانت ممكن تموت لو شافتها كدة و

بصيت جنب ماما ع الأرض لقيت الشال ناشف و نضيف مرمي جنب رجل ماما

ماما : مالك يا بنتي فيكي ايه بتبصي للشال ليه كدة

نهى : اصل الشال ده انا حطيته ع كنفها و هي داخلة الحمام

ماما : مايمكن هي خلعتة وهي داخلة يا بنتي

نهى : لا ياماما انا متأكدة استني ، شياء.. شياء .. اتني خرجتي من الحمام !

محدث بيرد عليا دخلت لقيت النور منور ومفيش حد في الحمام و الشال ناشف و
اثار رجلها و الماية مش موجودة .

جريت ع ماما و حكيت كل اللي حصل قالتلي حبييتي ممكن تكوني اتخيلتها عشان
اتني كنت متعلقة بيها ففكرتي انها جت ..

بس انا مكنتش بتخيل انا شوفتها بعيني !

كلمت

مامتها سالتها لو شجاء جتلك؟

والدة شجاء: لا لسة مظهرتش هي كلمتك يا بنتي!

نهي : ها! لا لا انا بسال بس كنت أنا عاوزة احكيك حاجة يمكن تفيد حكيبتها
اللي حصل عند الخياطة و إنها لو عاوزاني اشهد معنديش مشكلة بس إسمي
مايظهرش

وقفلت السكة معايا ع أنها هتقول اللي حصل عند الخياطة

من بعدها مشوقتش طعم النوم كوايس طول الوقت بشوفها بتتعذب و تعبانة
بشوفها بتحاول تغطي نفسها بالطين اللي في الأرض .. بشوفها بصرخ و بتتعذب

و بدأت ادور عليها و اروح كل مكان بنفسي لدرجة إني رحت لحد مكان الخياطة و
سألت البقالين هناك اخر مرة ظهرت هنا كانت امتي بقيت ماشية بصورتها لحد ما
قابلت اخو الخياطة الكبير اول ماشوفته من بعيد جريت و ركبت اول تاكس قداي
وهو كان شافني بس مكنش يعرف انا جاية ليه، و المشكلة إن الشرطة حققت
معاهم و في المنطقة و الكل بيقول أنها مجتش ومحدث شافها نزلت من التاكس و
روح البيت و من تعبي نمت ع الكنبه و شوفت .. شوفت ايشع كابوس في

حياتي شوفتني و أنا هناك و بدور ع صاحبتني و هي واقفة لابسة اسود و فحاة و أنا
بدور عليها جت و مسكت ايدي ووقفت قدام بيت الخياطة و فجأة لقيت الزمن
رجع لليوم اللي رحنا فيه للخياطة سوا

و اخو الخياطة الكبير اسمه شعبان وهو بيص لشيء بنظرات مش مريحة و أثناء
ما كانت بتتكلم حاول التحرش بيها و القطر كان حاطه في جنبها سمعته يقولها تعالي
بكر عشان تاخدي حاجتك اللي عندي و المبلغ بيتي كامل معاك

و بعد كدة الأحداث بتتغير و بشوفها وهي جاية الفلوس و جاية ليهم و فعلا و
طلعت و ادتهم المبلغ بعد كدة قائله و ريني الحاجة اللي معاك الحاجة طلعت أن
الخياطة بتحط كاميرا في الاوضة اللي بنات بتغير فيها و بتصورهم و بعد كدة تبتزهم
و تاخذ منهم فلوس بس الموضوع مع شياء متهاش ع كدة لأنها كانت خائفة جدا
منهم و مكنتش معرفه حد شعبان جاب أكثر من شاب أصحابه و حاولوا الاعتداء
عليها لكن مقدروش عليها فضلت تقاوم ، لحد ما شعبان اتعصب فطلع مطواه من
جيبه و ضربها بيها في رقبتها من الجنب .

نافورة دم طلعت في المكان شماء ماتت في وقتها و شوفت بقى شياء الثانية اللي
لابسة اسود بتاخذني عند منطقة تحسها مستنقع مجاري مكب نفايات مصنع حاجة
كدة جريتها و رامينها عل الأرض هناك و الجو كان مطر شديد .

شعبان الشيطان عل الأرض بعد مجاها في المكان ده مكتفاش باللي عمله خاف أهلها
يلغوا قال للحيوان هيقطع هدومها كلها هيصورها بعد مامات عشان لو حد بلغ من
أهلها نهدهم يأننا هنفضح بتهم بالصور و الفيديوهات اللي معانا و كان عشان
الموقع اللي في الدارك ويب اللي متصور عليها الجريمة كاملة عاوز صورة للجثة عارية
مقابل مبلغ مالي كبير لكن الجثة كانت بدأت تدخل في حالة التيبس فقدروش
يعروها بالكامل ...

ونجاة حصل صوت في المكان و لقيت ظل اسود جري عليا و طعني بحاجة صحيت
صحيت و أنا جسيمي و هدي غرقانين مائة كآني مكنتش بحلم كأنها كانت حقيقة ماما
اول ما شافت حالتي صرخت، وقاتلي ايه ده اتني مالك؟ عاملة كدة ليه؟ حكيت
اللي حصل و أنا كنت مرعوبة ازاي كل ده حصل و أثناء مانا بحكي لماما شوفت
شيء وراها بتقولي هتستريني فسألت ماما في وقتها لو ينفع ابغ باللي حصل في
الحلم و شوفته قاتلي محدش هيصدق ، بس احنا ممكن نروح و تشهدي يان

شعبان هدهدا قدامك و كان يبحاول يتحرش بيها و ساعتها ممكن الشرطة تدور وراه

رحت القسم و بلغت أن انا اعرف معلومات و حكيت إنه عمل ايه و إنه كمان هدهدا أن في كاميرا في البروفا و قولت مكانها زي ما شوفتها في الحلم ..

و بالفعل بعد التحقيقات و تتبع التليفونات قدروا يعرفوا حوار التصوير و الفلوس و أنها مش اول واحدة يعملوا معاها كدة لكن اول واحدة تموت في أيديهم و تم القبض عليهم أولهم اختهم و بعد الضغط عليهم تم الاعتراف و حكيت لطابط عن موضوع الفيديوهات اللي ممكن يكونوا نشرها في المواقع و بدأت مباحث الانترنت بمتابعة الموضوع وقالوا إن الفيديوهات اللي تم نشرها من الحسابات اللي مع المتهمين هيتم حذفها بس هتاخذ شويه وقت لكن فيديو البارك ويب معرفتش هما قدروا يوصلوه و لا لا لكن الفيديو كان معاهم لهدارد و طلوعوا شبكة كبيرة و دول كانوا أكثر ناس مغفلين فيها و مش يحسبوا حساب الخطوات اللي بيعملوا غرتهم الفلوس ..

و اخيرا تم العثور ع جثة شبه مشوهة في مصرف للمخلفات المصانع جسدها نص عاري بالتعرف ع الجثة ثبت أنها شيماء صاحبتني في نفس المكان اللي شوفت الجثة فيه ..

ماتت شياء و هي بتحاول تستر نفسها حتى بعد موتها شبها كان بيحاول يسترها
جايز هي كانت خائفة جايز هي اتصرفت غلط لما راحت لوحدها لكن هي كانت
ضحية ، ع فكرة أنا حلمت بيها بعد كدة كان شكلها حلو اوي و قالتلي شكرا و
ادتي سلسلة في أيدي كانت فضة و كانت جميلة اوي قالتلي دي هدية انك
سترتيني و مسبتنيش

★★★★★النهاية★★★★★

ياريت كل البنات تاخذ عظة متروحوش اماكن مشبوهة متعرفوش حد سع
السمعة لو حتى شخص اسلوبه معاك وحش متتعاملش معاه تجنبه الناس دي ولو
لاقدر الله حصل و هددكم لازم تعرفوا اهلكم الحياه بقت صعبة البشر بقوا مرعيين
اكثر من الشياطين حاولوا تحموا نفسكم ربنا يحفظ الجميع و يبعد عنكم كل شر



شقة العجمي

للكاتبة

نورهان أحمد فتحي

شقة العجى

من فترة مش بعيدة الشقة اللي انا ساكن فيها طول عمري بدأت أحس فيها بحركات غريبة و حاجات بيتغير مكانها لكن مهمتش كنت دائما بقول أكيد انا غيرت المكان و مش فإكر أكيد انا بيتيألي لكن من عشر ايام بالظبط غيرت مواعيد نومي و حرفيا كل يوم بسمع صوت ولد و بنت اطفال بيتحايلاوا ع مامتهم تفتحهم الباب أو ترجع تقعد معاهم وهما هيسمعوا الكلام و مش هيزعلوها اول يوم قوتت ممكن تكون معقباهم و عاوزاهم يناموا مثلا لأن الوقت متاخر ، ثاني يوم سمعتهم بدأت أحس بحاجة مش مريحة فوققت اسمع من المناور ، الصوت جاي من انهي شقة بس بردو معرفتش أحدد تالت يوم حاولت أكلم الاولاد من المنور و اقولهم اتم في شقة كام مامتم اسمها ايه اتم عارفين رقمها او رقم بابا فين لحد ما الولد قالي أنا عارف رقم ماما بالفعل كلمت الرقم لكن الرقم كان مقفول قولتلهم اتوا عارفين اتوا شقة رقم كام قال لاء كلمت جاري لقيته صاحي قولتله قوم معايا في الأطفال محبوسين تحت بقاهم 3 ايام بيبكوا في نفس المعاد ده و أنا عاوز اشوف حل ما اهلهم معدومي الاحساس دول بس مش عاوز انزل لوحدي ليكون اهم لوحدها معاهم و فعلا نزلنا و خبطنا

ع كل الشقق اللي في العمارة لكن مفيش الكل صحي محدش عنده الصوت و فعلا
لما طلعت شقتي ملقتش في صوت ليهم فقررت انام

صحيت ع صوت طفل بيكي في الصالة قمت شفت طفل في الصالة وشه مشوه و
بيقولي رجعلي ماما قربت منه حاولت المسه الطفل اتحول لمسخ و جسمه بدأ
يطول و صوت ضحكة عالية و مخيفة مسمع في المكان و بدأت الشقة تلف بياكأني
داخ و أرضية الشقة بالتدريج بتنهار و أنا بجري في كل مكان بحاول مقعش في
الحفرة اللي ظهرت نتيجة انهيار أرضية الشقة و لكن في النهاية وقعت في حفرة
ملهاش نهاية من الخوف و الذعر صحيت ..

و بدأت سلسلة كوابيس مبتتهيش ..

طبعا ثاني يوم نزلت الشغل و انا نازل قابلك عم ايمن البواب سألته عن لو حد عنده
اطفال ببيكوا بليل و حكيت اللي حصل بليل و رد البواب ..

عم ايمن البواب : يايبه كل الشقق المتسكنه هنا معندهاش اطفال صغيرة هنا بالسن
و الوصف ده كمان المنور اللي عند حضرتك ده مفهوش غير شقة الباشمهندس
احمد و ده قافل الشقة لأنه مسافر و بينزل في السنة مرة ولا مرتين حتى هو
عارضها للإيجار او للبيع معندكش مشتري ..

بصيت لعم ايمن البواب يااستغراب كدة قولتله ..

مروان : هو محدش اشتكى خالص من العمارة امبارح أو اي يوم من حاجة زي دي
حصلت ..

عم ايمن بمكر : ها لا محدش اشتكى يمكن يا بيه انت كنت مضغوط من الشغل
شوية بس و بعدين مانت نزلت مع محمد بيه بردو و خبطت ع الشقق كلها ملقتش
حاجة ..

مروان : تمام يا عم ايمن لو حد سمع حاجة زي دي او حسيت بحاجة غريبة في العمارة
ممكن تبغني و ادبته اللي في النصيب

عم ايمن : ايوا طبعا ده احنا عيننا ليك يا بيه

و رح اركب العربية مدارتش اجرب مرة اتنين تلاتة مفيش فائدة قررت اركب
اي مواصلة و خلاص ركبت المشروع كان فاضل فيه الكرسيين اللي جنب السواق
, و استغللت اني ركبت مواصلة مش انا اللي سائق و بدأت اردع رسائل الواتس
لقتي جاري محمد اللي نزل معايا امبارح باعتلي ريكورد بيقولني ..

محمد بدعر : مروان اللي انت سمعته صح يامروان انا كان سامع صوت بكى الطفلين
لكن سامعه في شقتي صوت الطفلين خايفين جدا و سامع ضحكة بشعة مع صوتهم
انا شا شايفهم قدامي دلوقتي ييرقبوا عليا فيه كائن لا لا ظل ظل مضلم عليا
الأوضة انا حاسس ان جسمي بيغلي و مش عارف اتحرك لو تقدر تيجي تلحقني أو
تبغ حد من اهلي الحقني يامروان فيه حاجة غريبة بتحصل هنا انا انا أأا و بعد
كدة سمعت صوته و هو بيصرخ بشكل هستيري برفع عيني و بقول للسواق اقف
لو سمحت

لقيت نفس المسخ سابق العربية و ابتسملي و قال :- مكش لازم تسمع يا احمد
كنت ممكن متكلمش لكن انت اللي اخترت انا من الخوف حاولت افصح باب العربية
و انزل منها و أنا سامع صوت كلاب بتزوم في العربية بلف اشوف الصوت و أنا
بجاول افصح الباب لقيت كل اللي في العربية عبارة عن كائنات كلها عبارة عن سواد
و يتكلموا بلغة مش مفهومة يقولوها بنفس نبرة الصوت و الترتيب بس انا مش
فاهم الكلام رجعت بنظري للسواق ملقتش حد سابق رجعت اشوف الركاب
ملقتش حد في العربية و العربية ماشية بالسرعة القصوى و في طريق

مش طريق الشغل اصلا ده طريق فاضي و فجأة ظهر المسخ في مقابل العربية و
قلها و أنا في العربية وفضلت تتقلب بيا مرة و اتنين و ثلاثة لحد ما وقفت

أنا من كتر اللي حصل اتصابت في دماغي قرب الكيان أو صاحب الظل الاسود
مني وكسر مد أيده من شباك العريية وهي مقلوبة و مسكني من دماغي و طلعي
من العريية كأن ماسك لعبة و فضل يعصر في دماغي حرفيا لحد ما بقيت اصرخ و
احاول اني أفلت منه فجأة سمعت صوت من بعيد يقول يا استاذ يا استاذ لا إله
إلا الله احنا ناقصين ملايس ع الصبح قوم يا استاذ ، فتحت عيني ولقنتي كل ده
كنت نايم و السواق شافني بيحصلي تشنجات و بصرخ زي الاطفال حاول
يصحيني و يهديني وكان فيه واحد في العريية شاف حالي فضل يقرأ قرآن لحد ما
صحيت انا اول ما قمت لقيت اني مبعدناش عن البيت كثير رجعت جري و طلعت
العمارة و فضلت اخبط ع محمد بشكل هستيري فتحلي محمد و كان كويس جدا

مفيهوش حاجة

مروان بذعر : انت كويس فيك حاجة

محمد بتعجب : ايوا يامروان خد نفسك بس في ايه مالك

مروان : امال ايه الريكورد اللي انت بعته ع واتس ده

محمد : واتس واتس ايه انا مبعتش حاجة

مروان بفتح الموبايل : اهو الريكورد اهو

شغلت التسجيل الصوتي و طلع فعلا فاضي رد محمد و قال

محمد : ياعم ده ريكورد فاضي تلاقي ايدي ضغطت بالغلط عليه و أنا نائم تعالى بس
اهدي و احكي لي ايه اللي حصل و أنا اعملنا حاجة فظورها ولا انت متأخر ع
الشغل ...

مروان : لا شغل ايه انا شكلي هاخذ انهاردة اجازة ..

محمد طب تعالى انا لسه قدامي ساعة ع ماانزل احكي لي فيها اللي مخلبك في الحالة
دي ..

مروان برفع عيني عشان احكي لمحمد و اطمنه شفت تا بلوه في الصلاة عند محمد عينة
بتتحرك و بتاخذ شكل طفلة تبتمسم ابتسامة الجوكر و عينها كلها سواد بس
قولته ..

مروان : ها لا لا انا هسيبك انا شكلي تعبان شويه هحاول ارتاح انهاردة ولا انزل
اتمشى ع الكورنيش اشم شوية هوا

محمد : طب استنى انزل معاك

مروان : لا لا أنا هبقى كويس مش انت تمام

محمد : انا زي الفل انت اللي حالك مش عاجبني

مروان لا متقلقش عليا

نزلت و قررت اني أتأخر شوية ع الشغل بس هاخذها مشي شوية انا مش مآمت
اركب اي حاجة بعد اللي شوفته ده ...

بس لاحظت من اول ما نزلت تآني من العمارة و أنا في راجل ماشي ورايا حرفيا
لدرجة اني مشيت من شوارع مختلفة لآده ماشي ورايا فعلا و بعدين بقى في اليوم
اللي مش طالعه نهار ده وقفت مرة واحدة قولت اشوفه ماشي ورايا ليه الراجل
اختنى حرفيا مش موجود ...

جاتلي مكالمة ع الموبايل من رقم غريب قولت أكيد حد من الشغل برد لقيت حد
يقول انت خلاص بقيت ملكنا استعد بينك و بين الموت لحظات عندك اي
امنيات ..

رجعت البيت و أنا ماشي أتلفت يمين و شمال بدأت اشك إن في حد قاصد يعمل
فيا كدة أو ماشي ورايا بعد ما رجعت البيت و اخدت إجازة من الشغل و محسنتش
باي حاجة بعدها صحيت ع صوت بيتقولي انت فعلا كلمت ماما فتحت عيني لقيت
بنت صغيرة لم يتجاوز سنها الخمس سنين اتخضيت و قولت لها اتتي مين ردت قالت
بصوت حزين انت كلمت ماما ؟

قولت لها اه كلمت ماما بس موبايها مقفول اتتي طلعتي هنا ازاي ؟

من هنا و شاورت ع الحيطه ..

بصيت للجدار قولت لها من هنا ازاي برجعلها بالنظر لقيتها مرعوبة و بتبكي بقولها
مالك؟ متخافيش قوليلي بس طلعتي ازاي هنا ؟

قالتلي وهي كلها رعب انا مش خائفة منك انا خائفة منه هو ..

قولت لها مين هو شاورت ع حد واقف ورايا و بلف اشوف منه و أنا حاسس ان
رجلي اتشلت مكان لقيت كيان اسود طويل عينة مكانها جمرتين مسك رفعتي بإيده
و كأني دخلت نار ، جسمي كان بيحرقني لدرجة اني كنت بصرخ بأعلى صوتي و

شاوور للبنت و أنا مش قادر احرك غير عيني شوفتها كأنها بتتخفق و اترفعت عن الأرض و اتجبط فالجدار وقعت قدامه في ثبات دون حركة

أنا حاولت اساعدها بس مكنتش قادر احرك غير عيني فجأه حتى صوتي مبقاش طالع قريني ليه و قالى انت مين انت ازاي قدرت تسمع و تشوف اللي الكلام ده انت نهايتك نهاية كل اللي شاهد ع اللي حصل انت نهايتك المووووت بدأت أقرأ ما تيسر من سورة الصافات و آية الكرسي حاولت لحد مبدأ صوتي يطلع و الكيان اختفى بمجرد ما صوتي طلع بالقرآن ، و بقى يطوف حواليا و يقولي انت فكرك هتهددي انت مفكر أن كدة بتحميل نفسك انا كنت بردد الايات و أنا حرفيا بزحف ع الارض عشان اوصل للبنت اشوفها عايشة و لا لا و للاسف كانت ماتت حسيت اني ضعيف و بدأت بالبكى ايوا انا مش قادر اعمل حاجة ولا فاهم ايه اللي بيجرالي سمعت صوت الولد بيبيكي و يقول نفس الكلام ارجعيلنا ياماما و هنسك الكلام الصوت من قريب مش باين أنه من المنور الصوت الصوت جاي من الجدار ايوا من الجدار ده ..

حاولت انزل من الشقة الباب مش ييفتح اتصلت ع البواب مييردش طلعت من شبك المنور اني ع الناس محدش بيرد ..

لقيت الكيان الاسود جه من ورايا و قالي دي نهائيتك و حدفتي من شباك المنور
الدنيا ضلمت مبقتش سامع حاجة و لا شايف حاجة لحد ما فجأة اتكسر عليا باب
الثقة البواب شاف دخان طالع من البيت و الجيران سمعوا صوت التكسير فبلغوا
الشرطة ..

و لأن مستحيل حد يصدقني قررت اني اقول اني كنت سايب حاجة ع النار و
راحت عليا نومة بعد ما الناس مشيت لقتني بطلب من البواب حاجة غريبة جدا
وهي أنه ينزل يشوفلي صنايعية يهدو حيطه لقيت البواب وشه جاب الوان وسأل
ليه و مش ليه زعقت فيه قولتله اعمل اللي بقوله و انت ساكت يالا ..

فعلا البواب راح و جاب الناس و جه و كان شكله غريب قولتله ايه !! مالك فيك
ايه ؟ انت عارف حاجة قالي ها عارف عن ايه ياايه بلاش تعمل اللي في دماغك
قولتله و انت عرفت اللي في دماغي منين ؟ و شاورت فعلا للناس تدخل وقولتهم
طلبي ..

البواب لقيته بيقول انا لازم انزل عشان العبارة لوحدها قولتله لا انت هتقعد لحد ما
نعرف في ايه ..

قالي ابوس ايدك يا بيه انا واخذ عهد مقدرش و طلع يجري و طبعاً عندي الناس
مجرتش وراه ، و بعد الهدم جزء بسيط بدأ يظهر باب خشب و لقيت الناس
بتقولي نكسر الباب كمان قولتلهم لا حاولوا تفتحوه بس قام واحد منهم حائط
بالمطرقة ع مكان القفل اتفتح الباب و طلع منه ريحة صعبه حاولوا يدخلوا إلا أن
المكان كان ضلمة جدا لقيت الاتنين الصناعية بصوا لبعض وقالولي الأوضة دي
شكلها اللهم احفظنا يا استاذ احنا كل ما ندخلها كأن في باب غير الباب اللي احنا
شافينه احنا كفاية علينا كدة و عاوزين حسابنا ..

و بالفعل ادبتهم حسابهم و مشيوا و فعلاً حاولت ادخل الأوضة و أنا مرعوبة و
مستغرب ازاي انا عايش هنا طول الفترة دي و عمري ما عرفت حاجة عن الغرفة
دي طلعت عشان اجيب اي حاجة انور بيها الأوضة ظهري الكيان و حاول يخنقتي
لكني بدأت في ذكر الله و آيات من القرآن ففضل يبعد يبعد لحدلما اختفى وجبت
كشاف و دخلت الغرفة كانت صغيرة جدا لقيت دائرة مرسومة ع الأرض و نجمة
كبيرة ع الحيطه و كان فيه جنازير و اقفال كبير في الأوضة بس الغريب أن النايرة
كان مكانها كأن في رسمه لشخص او ظله مصلوب ع الأرض داخل النايرة

و فيه تراب متكوم ع الأرض في جانب الأوضة النور كان حسب الاتجاه فانا
شوفت ورق ع الجدران متعلق عليه طلاس م حاولت اقرب اشوف الكلام المكتوب

حسيت اني دهست حاجة تحت رجلي و فجأة ظهر نور شديد في الغرفة و فيه اربع اشخاص واضح انها ام و ابنها و بنتها و زوجها المشهد ك التالي الولد نايم داخل الدائرة و ابوه واقف بيقرأ من كتاب تعويذة و بيرش عليه سائل احمر ..

دخلت الام فجأة عليهم و لقتة رابطت البنت ايد و رجل و مقعدها في جنب في الأوضة و الام دخلت صرخت عليه و اتخاقت معاه فجأة عينه لونها اتغير بقت كلها سودا و حاول يخنقها أنها دنست الطقوس و فيه كلام كثير انا مش فاهمه ولا سامعة كويس لكن سمعتها بتقول خدني قربات مكانه و فكت الولد فعلا و البنت و قالتهم مهربوا فعلا الاولاد طلعا برا الأوضة و قفلت عليها هيا و الراجل الباب و بدأ الراجل يربطها مكان ابنها و يعمل نفس الطقوس لكن ظهر شيطان شيطان اسمه إجرارز قاله قاله انت طماع و اخليت بالعهد مرتين انت السبب في اللي هيحصل نهايتك انهاردة ع ايدي الراجل اللي واقف حاول يتكلم معاه أنه هي مضحية وعاوزة تبقى القربان مكان ابنها بصلها وقال لها ماطلبت و حرقها حية انا بشوف المنظر و حاسس اني قلبي هيقف و أنا واقف بتفرح كأني معاهم و كأني في الحلم مليش سلطة ع تغيير شئ سمعت صوت الاولاد بيخبطوا و يقولوا الكلام اللي كنت بسمعه كل ليلة اطلعي ياماما تعالي هنسمع الكلام مش هنزعلك ثاني و هنملك كلي اللي اتني عايزاه طلع أن الاطفال كانوا سامعين صوت امهم وواقفين بره

و ماهربوش للاسف انا حاولت اتحرك اهرهم معرفتش فجأة الشيطان اللي ظهر
وقف قدام الدجال و قاله لو عاوز الذهب و السلطة ..

كمل العهد و عدى من خلال جسد الشخص أو الراجل اللي واقف لكن مطلعش
فضل جواهر سيطر عليه فتح الباب ودخل الاطفال شافه رماد امم اللي النار كلها
في ثانية ..

الاطفال بقوا يصرخو و يجروا في الأوضة عاوزين والدتهم مش لقينها .. قفل الباب
عليهم و ربط الولد و البنث كان مكتفهم كأنهم فراخ حرفيا و عمل الطقوس ثاني ع
الولد و البنث الولد بدأ يعمل حركات غريبة ، كأنها تشنجات و البنث نامت من
كتر البكي الولد فجأة اختفى و البنث بعده بشوية وبعدها ظهر نور شديد في الغرفة
و رجعت ثاني للأرض الواقع بعد ما شفت مآساة قعدت شوية ع ما قدرت افوق
من الصدمة لكن لقيتني فجأة يقوم اجيب مكنته و بجمع التراب و كل الحاجة اللي
في الغرفة في علب و صناديق كانت في نفس الغرفة و طلعت و قفلت الباب و نزلت
و من الحاجات اللي كانت غريبة اني شوفت أثناء ماكنت في الغرفة ولد واقف و
جايب حاجة في أيده بره الشقة ..

مع الوقت اكتشفت أنه البواب وحكالي بعد كدة اللي حصل بس قبلها اخدت الرماد و رحت المقابر الخاصة بالعائلة و مكنتش عارف اعمل بالرماد ايه هناك جيت عند شجرة و حطيت عندها كل الرماد و اخدت كل اللي كان في الغرفة الباقي و رحت للبواب قولتله : الحاجات دي هتخلص منها و ترجع تحكي كل اللي انت تعرفه..

قالي ياااااه مق قبل ما يكمل قولتله ولا بيه ولا زفت انت هتحتكي يعني هتحتكي

طلعت القصة ايه بقى :-

إن من زمان قبل ما اعيش في الشقة دي كان فيه موظف في البنت اعيش فيها هو زوجته كان معاه منها ولد و بنت الزوجه عرف بعد فترة من جواز مراته أنها عندها بيت ملك في منطقة ما مش هنقول اسمها قديم شويه البيت ده تحتيه كنز و ذهب من سنين السنين وهما في العيلة عندها بيورثوا البيت مش بيعوه ولا يهدوه ولا حتى يحاولو يعرفوا ايه اللي حوله و ع حظها، و وقع البيت من قسمتها في الميراث الراجل راح البيت مرتين الثالثة رجع جابه .. غير الحال لدرجة أنه من كتر المشاكل كانت بتسيبله البيت و تمشي لحد ما مرة كان هموتها ، لكن هي مشيت بلا رجعة و بعدها بفترة لقيناه جاي و معاه الطفلين ، قولنا خلاص هما اتراضوا اصل انا كنت

أكبر شويه من عياله و كنت بلعب معاهم و كنت دائما اسمع ابويا يقولي دول ابوهم
ملبوس اللهم احفظنا ملكش دعوة بيهم لحد ما اليوم المشعوم .. جه و اخد الاطفال
و طلع فوق و الست مراته جت بعد ساعة من وصوله و كانت بتجري ع البيت و
أنا كنت صغير و كنت بجبها طلعت و وقفت و حكاالي اللي حصل و أنه كان واقف
مع الاطفال برة لكن لما سمع صوت فتح الباب خاف و جري ينادي ع أبوه لما سمع
الصراخ و ع مجال ابوه من اول الشارع رجع مبقاش الاوضة فاضية و مفيش حد
حتى باب الأوضة اتقفل محدش كان عارف يفتحه انا استغريت انك فتحته

لما سألته مقولتليش ليه ع اللي حصل قبل كدة رد أنه ياباشا ده بيحصل من يوم
الحادثة كل سنة في نفس الايام و أما بسمعهم و بتفكر و بجزن كأنه امبارح لكن
الغريبة انك اول مرة تسمعهم ، انا فكرتك بتسمعهم بس اتعودت ..

فكرت شويه و اكتشفت أني كل سنة مبقاش في المعاد ده في الشقة بقتي عند
خالي لانه بينزل من السفر و تقعد في بيتنا في البلد و لأن خالي مات السنة دي أنا
فضلت هنا مرحتش في مكان تاني ..

و اخد الحاجة البواب و أنا فضلت أقوله منك لله لو كنت حكيكلي من الاول
مكنش كله حصل رد ، و قالي واخذ عهد سبب أبيه مقدرش اقول انا معرفش ايه

اللي هيصلي بعد انهاردة ، واياك تعرف حد باللي قولته لأن صاحب العمارة
معدوم الضمير هو اللي بنى جدارع الأوضة دي من زمان و قالنا محدش يجيب
سيرة إن كان في اوضة هنا و انتهى الموضوع من وقتها ، انا مش عارف ايه اللي
خلامهم يظهرلوك بس ..

اثناء ما بنتكلم ظهر قدامي الراجل اللي كان ماشي ورايا الصبح وقال لي لو سمحت يا
استاذ ممكن كلمة ع افراد و اتكلم معايا وقال لي اني اللي حصلي الصبح ناتج عن
مس وإنه ممكن يساعدني و يقربني حكيتله اللي حصل في البيت قالي أنه بكرة
هيجيب ثلاثة من الشيوخ زمايله و يجوا يقروا في الشقة ..

اتصلت انا بواحد صاحبي قولته الشقة عندي تضرب تقلب و مش مرتاح اني
ابات لوحدي يا تجيلي يا اجيلك ، قالي تعالى ، رحته ومنت عنده الليلة دي و
حلمت بالست اللي شوفتها بتتحرق حية ، ام الاطفال ، جاتلي و ادتني مفتاح في
أيدي و قالتلي :

شكرا انك أهدت اللي باقي مننا و حررت روحنا من إجرااااا و مسكت ع ايدي
بالمفتاح وضغطت و قالتلي دلوقتي البيت بقى ملكك و المشوار طويل احمد يا بطل
و ابراهيم هيساعدك كثير ..

سألها المفتاح ده مفتاح ايه؟

ردت وقالت : ده ميراثك مفتاح بيتك بقى ملكك

بس انا مش فاكّر إن ليا ميراث ردت وقالت لا ليك حاليا انت الوريث الوحيد
انت صاحب البيت الاخير انت الوحيد اللي تقدر تهبي اللعنة ..

أنا مش فاهم حاجة لقيت البنت الصغيرة جدا و قالتلي شكرا و حضنتني و قالتلي
تيجي نلعب لعبة انا هستخبي و مش هظهر غير لما تقول كلمة السر

قولتلها كلمة السر ايه قربت من ودني و قالت صووووص توووووك إجراااااااا

صحيت فجأة من النوم و الغريبة اني لقيت في فعلا مفتاح شكله غريب في أيدي و
البواب بيرن عليا يقولني إن في واحد اسمه الاستاذ ابراهيم بيسال عليك و عاوزك
حالا ..

نزلت بسرعة رحلت لقيت الاستاذ ابراهيم هو نفسه الشاب اللي كان ماشي ورايا،
معا زمايله و جاين يرقوا البيت و يرقوني و فعلا طلعا و خلصوا كل حاجة و
كمان اتصلوا بأربع شباب جولي و بنوا الجدار و رجعوا كل حاجة زي ماكانت و أكثر
و بقينا اصدقاء الغريبة إني لما سألت ابراهيم عن الست أو المفتاح قال إنه ميعرفش

حاجة عن اللي بحكيه و إنه يمكن يكون حلم و المفتاح ده فعلا ليا و أنا اللي مش
فأكر هو يخلص ايه ، او اني اخدته من الأوضة و أنا مش فأكر و انتهت كل
الأحداث الغريبة في الوقت ده ، لكن بعد ٦ شهور لما دخلت الشقة حسيت
بحركة غريبة ..

بدأت اذكر الله و اشوف ليكون في حرامي ولا يمكن قطة الحركة مش كبيرة لكن
سمعت صوت ضحكة بنت صغيرة ، ااه عدنا من جديد ولا ايه و شوقتها طلعت
تجري قدامي جريت وراها قولتلها اتني مين ؟ ودخلتي هنا ازاى ! مردتش و فضلت
اشوفها طول اليوم في الشقة كأن حد مستخبي و يراقبك و سمعت صوت بيقول
ايه ده انت نسيت اللعبة ولا ايه! قولت لعبة ايه احنا مش كنا خلصنا منكم فجأة
النور قطع و سمعت صوت حد ييوشوشني و بيقول صووووو توووووك إجرااااا

★★★★★ النهاية ★★★★★

الرصد

نورهان أحمد فتحي

الرصد

عمري ما هنسى اللي عمي عملوا في اختي احنا صغيرين ، المشهد بيتكرر كل يوم
قدام عيني وعمري ما عرفت اتخطاه حياتنا اتمدمت بسببه لكن ربنا منتقم جبار..

انا كبيرة في السن مش صغيرة ، بس الحكاية دي حصلت زمان اوي بس من كتر
ماكان المشهد قاسي و اللي حصل مش قليل ولا هين فضل محفور في دماغى طول
العمر ، احناكان عندنا بيت كبير في البلد ، كان بيت عيلة ابويا

جدي اتجوز و خلف ، و بعدها ابويا اتجوز وخلف بردو فيه .. البيت كبير اوي
لكن كان جميل و هادي و جدو و بابا كانوا مصليين لكن للأسف عمي كان سالك
طريق تاني ..

في فترة من الفترات ظهر عندنا شيخ اسمه الشيخ منصور، و بدأت تظهر كرامات
و تجليات الشيخ منصور بشكل كبير اوي الكل بقى يروحله و أكثر اللي كانوا
يروحوله كان بيتقى عندهم مشكله في الحمل و الخلفية الحقيقية التفاصيل

دي اللي اتحكلي لكن اللي انا شوفته كان غير..

في الوقت اللي حصل فيه الأحداث دي كان عندي ٧ سنين تقريبا و اختي اصغر
مني بسنتين ، يعني كان وقتها عندها ٥ سنين ، في يوم من الايام لقينا عمي جايب
الشيخ منصور ده وعزموا عندنا في البيت و طبعاً لأننا بيت عيلة فكان لازم ير
علينا و يسلم ، انا فأكرة ان ابويا و جدي مكنوش مرتاحين ليه ابدا و لما تتكلموا
معاه شكوا إنه دجال لكن ميينوش و بدأت الأحداث بعد دخوله تبقى كلها مريية
جدي فجأة مات و قبل ما يموت غضب على عمي و مكناش عارفين ايه السبب
البيت بدأ حاله يتبدل ..

كل يوم خناق و مشاكل غريبة و بعدها بفترة بدأت ماما تلاحظ وجود ظلال
غريبة في البيت في الاول كانت بتقول بيتهيالها لكن عمتي كمان بدأ يظهرها حد
ويتكلم معاه اول مرة كنا كلنا في الدور الثاني وهي كانت في الاول ومعناها بتصرخ
نزلنا كلنا جري عليها حكّت أنها سمعت ماما بتنادي عليها من المطبخ لما دخلت لقت
حد واقف بس المشكلة إنها مكنت ماما كان واحد قالت إنه كان راجل راجل و
اول ما لف وشافت وشه صرخت كان وشه زي استغفر الله اللهم احفظنا زي جلد
الفار أو القرد ماليان شعر كأنه حيوان يجسم بني ادم و صوته اتغير

و قالها : انتي ملكي

و بعد فترة بدأت عمتي تتجن أه والله و مش بس كدة دي كانت بتتعد معنا مش عارفة حاجة و لا فاهمه حاجة كانت بتلعب معايا وقتها زي الاطفال كانت بتلعب كأنها من سني و بعد فترة عمتي كان مانت فجأة و بدا البيت يسوده الحزن و الاكتئاب و الخيالات بدأت تزيد بس بابا كان دائما يحصنا و يخلينا نصلي و نذكر الله دائما و في يوم جه عمي و قاله أن الشيخ منصور عاوزه في موضوع و قعد معاه الشيخ منصور و اتكلم معاه في الاول عزاه في عمتي و جدي و بعد كدة بدأ يقول لابويا بقولك ايه يا حاج من الاخر كدة كل اللي بيحصل الفترة اللي فاتت دي كان بسبب أن في رصد في البيت في الاول ابويا مفهمش معنى الكلمة لكن بعد كدة عرف أنه قصده أن في رصد جن


فرد ابويا عليه أنه دخلته علينا دخلة شؤم و أنه من يوم ما رجله خطت في البيت و البيت اتبدل حاله راح عمي لحقه بسرعة و قاله متخليش الشيخ منصور يزعل مننا قاله ابويا يزعل و لا يغور في داهية انا مش مرتاحه و لا مرتاح لدخلته رد الشيخ منصور وقال بص بقى البيت ده تحتيه اثار و أنا مش هسيبه الا لما أخرج المساخيط دول من تحت البيت و اشوفهم بعيني..

حابب تبقى معانا واخوك و ينوك من الحب جانب بيتى خير فرد ابويا لا مش
حابب و محدش هيقرب من بيت ابويا ويحفر فيه ولا سم واحد رد الشيخ منصور
بيبقى اخترت العداوة و أنا عداوتي آخرها الموت هتموت زيك زي ابوك و اختك و
هنا كانت الصدمة و عرفنا ليه غضب جدي ع عمي قبل ما يموت

المهم طردته ابويا من البيت يومها و من بعدها مشوفناش النوم حتى كنا في البلد
محدش عاوز يكلمنا عشان الشيخ منصور للدرجة أنه مكش حد عاوز يبيع ولا
يشترى من ابويا حاجة وفضل عمي يزن على ابويا و يرفض لحد ما في يوم جه عمي
و اخدني انا و اختي من قدام البيت

طبعا اتتوا فأكبرين أنه خط فنا مثلا عسان يساوم ابويا على أنه يقبل يحفر في البيت
أو حتى يبيعه لكن الحقيقة أن اللي حصل

لكن اللي حصل يمكن أكبر من توقعاتكم انا و اختي اتخطفنا كام يوم بس لما اتحكى
الموضوع بعد كدة عرفنا أنه عمي خطفنا اسبوع اول ثلاث ايام انا و اختي اللي
عندها خمس سنين مكناش بنفرق الليل من النهار كنا مريطين ايد و رجل و عيننا
متغمية كان حد بيجي يأكلنا كل يوم ٣ معالق عدس انا كنت حافظه عددهم في
سني الصغير ده و بعد كدة يكتمو بوي و أنا برغم ان سمي سبع سنين كنت تقولهم



أكلوا اختي شربوا اختي خلوها جنبي تخيلوا طفلتين في السن ده في اوضة مرعبة
بمعنى الكلمة بناكل بالمنظر ده كنا ميتين خوف ورعب و مش عارفين مين اللي
عامل فينا كدة بعد ثاني يوم اختي الصغيرة بدأت مش عاوزة تأكل و اللي عليها انها
عاوزه ماما عاوزة ماما طفلة اصغر من طفلة كان كانت اجمل طفلة شقرا و جميلة و
ايديها ورجليها ناعمين و صغيرين احلى بنوته ممكن تشوفها و جه في يوم حد اخدنا
من الأوضة دي وقال يلا هتروحوا لأهلكم و حد شالي و بقيت أصرخ عشان مش
سامعة صوت اختي لحد ما اللي اخدها جابها جنبي و ركبتا عريبة و بعد شوية
سمعت صوت خناقة كان صوت عمي مع منصور و قاله لا لا احنا كان اتفاننا ع
الكبير الصغيرة لا و أنا مش فاهمه حاجة بس لما سمعت صوت عمي اطمنت و
ناديت عليه قولتله عمي عمي انت هنا الحقنا يا عمي لحد ما سمعت صوت خبت
في العريبة احنا كل ده متغممين يعني انا مش شايقة غير الاتوار من تحت الشاش
اللي ع عيني أو الربطة و سامعة صوت ابواب العريبة ،

و لقيت عمي جه و فك عيوننا و قالي متخافيش اتتي واختك انا هروحكم لايومك
متخافوش فرحت اوي و اخدت اختي في حضني وقولتله أننا

جعائين و اختي أكيد عطشانة و تعبانة متخليني اطفال في العمر ده حصلهم كل ده
بعد كدة جابلنا أكل و فضل يلف بينا بالعريبة لحد ما الليل جه كانت اختي نامت،

و روحنا ع البيت فرحت اوي أننا روحنا ، اول ما دخلت البيت لقيت شمع كبير
و الشيخ منصور قاعد و راسم دوائر و نجوم و رسومات غريبة و جيت اجري
ادور على ماما مرات عمي مسكتني و قالتلي زمانها جاية و الغريبة إنهم قالولي
هنرطك تاني عشان لما بابا و ماما يجوا توريمهم الناس كانوا ريطينك ازاي انا كنت
خائفة بس قولت طالما عمي معايا و أنا في البيت خلاص مش مشكلة و قعدت
اسال ع ماما قالولي بتدور عليكي و زمانها جاية

اليوم ده كانت ماما بتدور عليا فعلا و مش ماما بس ده العمدة كان أصدر أمر إن
البلد كلها هتطلع من بيوتها و تدور عليا انا و اختي في البلد كلها و عمي كان عارف
فقرر ينفذ خطته الشيطانية الدجال منصور كان مفهم عمي أن المقبرة لازم تتفتح بدم
طفل من العيلة و وقع الاختيار عليا لكن بعد كدة منصور لما ابويا طر ده من
البيت قرر ينتقم فقرر أنه ياخد الصغيرة و الكبيرة لكن عمي كان مفكر أنها لازم
تبقى تعوية أو قطع صوبع ولا حاجة لكن الصدمة لما الدجال منصور ثبت اختي ع
الأرض و و عمل جرح في رجل اختي من تحت و في أيدها لما كبرت عرفت أن
الاماكن اللي عمل فيها الجروح مكان الشرايين الرئيسية ، و اول

ماعملة كدة صرخت جامد بس للاسف كان كاتم نشسها فضل كاتم كاتم لحد ما

قطعت النفس و بعد كدة قال لازم تقطع الأطراف و نحرقهم عشان ده القربان انا جالي صدمة من اللي حصل في اختي قدامي فضلت اصرخ لحد ما كتمو نفسي و وربطوا بؤي بردو لكن انا جاتلي حالة هلع و بقيت بصرخ و يبجيلي تشنجات اختي كانت ماتت خلاص مش بتتحرك و بعد كدة قال لمرات عمي شيلها في الشوال اللي هناك ده و بالفعل شالوها و قال هاتوا دي و ثبتوها كويس الكلام ده يقصدوني انا بيه و قاله دي لازم تدبح ع المقبرة و دمها ينزل عليها عشان الرصد يفتحها و اول ما حط سن السكينة ع رقبتي سمع صوت أهل البلد راجعين حاولوا يداروا عمياهم لكن كان في حد سمع صراخي و لم أهل البلد عليهم و من خوفهم اخذ منصور الشوال و حذفه في النار اللي كان قايدها و مش بس الشوال انا كان بس النار كانت مش كبيرة فلما اتحدت فيها اتحرق دراعي بس بسبب الهدوم اللي كنت لابسها كان والدي داخل البيت مع راجل كبير قاله:-

انا سامع صوت صرّخ جاي من بيتكم و جاي البلد و جم ع البيت و اكتشفوا اللي بيحصل جري عليا بابا حاول يطفيني لكن اختي كانت خلاص ماتت و بعد كدة أنا غمضت عيني و مش فأكرة اي حاجة حصلت بعد كدة بس بابا حكالي أن أهالي البلد دخلوا لقوا المنظر الرسومات و الشيخ منصور و عمك و مرات

عمك هروم ضرب و جري وراهم لحد ما علقوهم في ٣ نخلات و فضلوا ربطينهم و
العمدة يضرب فيهم لحد ما بابا راح بين المستوصف ومنه للمستشفى بعريية جارنا و
بعد ما اطمن عليا و كان حرفيا جمع جثة اختي في الشوال عشان تصرخ الدفن رجع
و عملت محضر ثم الإجراءات بس الحقيقة أن مش ده بس اللي حصل اول ما بابا
دخل حاول يقتل عمي و الشيخ منصور و اتوصت الراجل اللي معاه يلحق عياله
الاول بس محدش شهد ع الكلام ده لان البلد كلها شافت الظلم، اللي عمي عمله
المهم اننا سيبنا البيت من زمان لكن من فترة رحى البيت لأسباب شخصية واول
مارحت شوفت طيف اختي الجميلة بيجري عليا و بيحضني بيرحب بيا زي كل مرة
لكن المرة دي حبيت ابعثلك حكايتي ماما كان بتشوف اختي بسس للاسف
أجلطت بسبب خطفنا و اللي حصل و بقت مش بتتحرك بس هي كان بتشوف
طيف اختي

★★★★★ النهاية ★★★★★

مش شرط الحكاية تنتهي نهاية سعيدة كل مرة لأن مش كل مرة الإنسان بينتصر
الخسارة في القصة دي كبيرة لكن العبرة منها مفيش امان لاي حد غير امك و ابوك

دکھائی

نورہان

نار الحبه

الکاتبه

نورہان احمد فقیری

نارالجن

الجن كان بسبب ليا فلوس وعملات معدنية تحت المخذة

اسمي كايللا اول موقف ليا مع الجن كان وانا عندي 20 سنه ، انا اصلا عمري ما كان ليا تعامل مع الجن ولا قرئت كتب ولا يجب اتفرج ع الرعب انا حبيت الرعب بعد الأحداث اللي حصلت لي حياتي كانت حياه طبيعية لحد ما جه اليوم اللي حياتي فيه اتقلبت و اليوم ده كان عند خالتي و الحقيقة أننا مكناش نعرف الأحداث اوي احنا اتفاجئنا ياخفاء بنت خالتي

الحقيقة أنها دخلت أعزكم الله

(الحمام) دورة المياة يعني لو في حد مش من مصر بيقرأ وقلقت على نفسها من جوا و قامت مولعة في نفسها ايوا زي ما بقولك كدة احنا كنا رايجين متأخر لخالتي وهي كانت بقالها حوالي ساعة جوا و الكل حاول حتى يكسر الباب الباب مكناش بيتكسر المهم ع ما الرجالة كسرو الباب و اتصلوا بالاسعاف و جت خدتها و راحوا بيها المستشفى هي كانت متنيبه بس كانت لسه عايشه بس الجسد متنيب المهم

انا معرفش انا نسيت ولا الفضول اخدني ولا وسوسة شيطان ولا ايه حاجة قالتلي ادخلي شوفي المكان ده كدة المهم انا طلعت ودخلت الحمام أعزكم الله و بقيت اتفحصه كدة وكان في سوائل و دم و بقايا من جلداه ع الأرض انا مكنتش مدركة اوي أن ده بقايا من جسدها لاني مشوفتهاش انا كل ده بسمع بس مرضيوش اني اشوفها فقولت أكيد لحقوها وهي مولعتش في نفسها أكيد مهنش عليها نفسها و إن اللي في الأرض ممكن يكون صابون أو قماش من هدمها الحقيقة اني مشيت عليه ع إنه بقايا و في منها حاجات فضلت بقاياها في حدائي أعزكم الله

بعدها بيومين بنت خالتي توفاه الله رحمه الله عليها بدأت اشوفها و شكلها كان بيظهرلي وهي شكلها بشع جدا جدا لدرجة أن كان جسمها و وشها كان باين من العظم و كأنه محروق و اشوفها وانا صاحبه ووانا نائمة بتجري ورايا و أنا اجري و اهلي بقوا مصدومين و مش عارفيناه يه السبب في الاول محدش كان بيدشوف حاجة فكروني اني عندي هلاوس بس بعد فترة حالي نوبات هلع و صرع بس التشنجات كانت غريبه اغيب عن الوعي و يتغير مكاني و أنا مش حاسة ابقى نائمة اقوم في مكان ثاني و اهلي بقوا متابعين معايا بيراقبوا تصرفاتي

أنا كل ده مش مدركة ايه حاجة بعد فترة بدأ بابا وماما في البيت يشوفوا خيالات

فعلا ويحملوا بكوايس وانا اعصابي كانت بتنهار والله كنت بشوفها بتجري ورايا من الشباك أو البلكونة و اصرخ وبعد كدة أقعد الوعي و لأن احنا اصلا البيت بتاعنا قبل ما يتبنى في واحد مات محروق فيه فأحنا خلاص اتعودنا ع اللي بنشوفه بس الاحداث كانت اصعب بكثير بعد اللي حصل لبنت خالتي بابا خلاني اروح عند عمي اقعد شهر لحد ما ابقي كويسه مكنش فيه فائدة لجابلي شيخ يعالجني بالقرآن مرة و اتنين و منفعش معايا حاجة و جه شيخ ثاني بردو بدأت اتعالج مع الشيخ الثاني و رجعت بيتنا ثاني ..

بعد فترة بقيت اروح لخالتي انا و بنتي خالتي الثانية لاحظت حاجة غريبة اوي أن لما التليفون بيرن بنسمع صوت جري و الله جري في الشقة سواء كنا في الدور اللي تحتهم و لا في شقة البنت اللي حصلها الحادثة الله يرحمها و لانه بيت العيلة بدأ الكل يحس باللي بيحصل اصلا محدش بعد اللي حصل سكن الشقة دي وده لأنها ظهرت لوالدها و اختها أكثر من مرة كانت دائما لما التليفون يرن شيحها يظهر و يجري من الحمام أعزكم الله لتليفون لدرجة أن اختها فقدت النطق من كثر الأحداث اللي كانت بتحصل وخاصة بعد ما شافت عفريت اختها يعني ابسط

موقف حصل هو أن النور قطع في مرة و أنا خالتي كانت بتذكر الله وبتصلي مش

بتخاف اوي يعني لكن يوم النور طلعلوا وقتوا في البلكونه كلهم محدش رضي يدخل
ينور شمعه فقام جوز خالتي قالها انا هدخل اجيبلكم شمعه ولا حاجة نور بيها دخل
و طلع يجري ع البلكونه شكله غريب علامات الفزع و الخوف باينين عليه جدا و
شعره واقف و شكله كأنه أكبر من سنه و لما سألتناه قال شوفتها جوا اول ما ولعت
الشمعة لقيتها قدامي طفت الشمعة و جريت

طبعا لكتر الأحداث اللي زي دي محدش فينا كان بيسيب خالتي تقعد لوحدها ابدا
حتى بعد ما نزلت من شقتها لشقه اللي تحت لأنه كان بيت عيله احنا اصلا شارعنا
كله قرايننا عمامي و خلاني المهم الشقة اللي خالتي قعدت فيها في نفس البيت
حصل فيها نفس الحاجات يعني في يوم خالتي و بنتها كانوا قاعدين مع بعض و جوز
بنت خالتي كمان سمع قبل الفجر بشويه صوت خبط ع الباب أكثر من مرة فراح
يشوف مين من العين السحرية الكارثة أنه شاف فعلا البنت اللي اتحرقت الله
يرحمها العفريت ظهرله ع نفس الهيئة اللي هحكيا دي بالظبط شكل الاذن غريب
و طويل الشعر مجعد اسود و منكوش برغم أنه خفيف عينها كانت كلها حمرا و
مشقوقة بالطول

لأن زوجته فاقدة النطق دخل و مترضاش يحكي قدامها حاجة و قال ده قطة هي
اللي عامله الصوت بره

لدرجة أن من كتر اللي حصل ناس قالت اصل لما عملت كدة في الحمام أعزكم الله
اذت جن مسيحي وهو اللي عامل فيكم كدة لدرجة أننا استطعنا بقص من الكنيسة
وكان معاه زجاجة كدة وعمل بعض الإجراءات

لكن بعد فترة كنت باينه عند خالتي و ابن خالتي الصغير كان نايم شوفت كأن وشه
محروق بعدها بدأت اشوف ملامحها ع وشه

بعد فترة كبيرة شويه كنا كلنا متجمعين في بيت جدي كان في نفس الشارع و خالتي
كانت نسيت ببخاخ حساسية الصدر في الشقة و طلبت من اي احد بروح يجيب
البخاخ من البيت مع بنتها انا كنت شجاعه شويه فقرر اروح مع بنت خالتي نجيب
البخاخ و لأن الحوار معروف في الشارع قابلنا صاحب خالي كان كبير الله يرحمه
حاليا متوفي قرر أنه يطلع معانا نجيب البخاخ و الصدمة إن حد نده عليه و احنا كنا
خلاص جبنا البخاخ و بنقل الباب ماخذنا ثواني

فجأة سمعناها من جوا بتنادي عليا و على بنت خالتي كل مرة تنادي واحدة فينا بصوت مختلف قفلنا الباب و بتجري ع السلم لأن الشقة كانت في الثالث اتفاجئنا بيها قاعدة في نص السلم ع هيئه خروف بني ضخم قافل السلم حرفيا مش طريق تنزل منه غير لو عدينا عليها شاورت لبنت خالتي تذكر الله و تقول بسم الله الرحمن الرحيم و تستعيز بالله و نزلنا هي كانت قاعدة قدام الدور الثاني احنا حرفيا دوسنا عليها والله يانور كانت بتتهز و ترتعش و كان خارج من جسدها سخونية رهيبه و روحنا حكينا اللي حصل بس هما كانوا اتعودوا خلاص

احنا دورنا في الموضوع اكتشفنا أن السبب هو أننا احتفظنا بملابس البنت دي و خاصة اللي حصل بيها الحادثة مغسلنهاش ولا اي حاجة سينبناها زي ما هي كدة أو في الحقيقة جوز خالتي هو اللي قرر كدة و برغم أن كلنا حذرناه لكن هو مقدرش يتخلص منها و للأسف ليومنا هذا هي بتظهر لينا ولادخالتي

و دي كانت قصتي مع بنت خالتي

————— النهاية —————

انتقام العمار

للكاتبة

نورهان أحمد فتحي

انتقام العمار

حاولت اقتل جوزي لأنه قص شعري و الشيخ قال لني اتلبست (اتمست) من
جن كبير خادم النار

الموضوع بدأ بعد زواجي بأسبوع زواجي كان عن حب وهو بصراحة استحملني
كثير المهم اسبوع من زواجي مكنتش مرتاحة في الشقة ابدا بعد فترة بدأت احس
إن في حد معايا في الشقة وكنت احكي لزوجي يقولي مجرد شعور بس لانك مش
واخدة الشقة ودي بيتك ومملكتك و يحاول يصبرني لحد ما كنت في يوم بغسل
اسناني في الحمام أعزكم الله و عيني في المراية المراية بتجيب انعكاس الباب من برة
بمعني إن أي حد معدي من الصالة لأوضة النوم انا بشوفه في المراية او انعكاس
الباب ، بدأت الاحظ إن في خيالات كثير رايحة جاية في الطرقة و الموضوع اتكرر
أكثر من مرة بعد كدة لاده انا بشوف زوجي نفسه داخل من الصالة للأوضة و
العكس الغريبة إن أغلب الوقت اللي كنت بشوفه فيه كان بيبقى مش في البيت و
في يوم كان بره و أنا كنت بردو واقفة قدام المراية بالصدفة و زوجي عدى قدامي فأننا
كنت بتكلم معاه سمعت صوته في الصالة الاااه و امال مين اللي عدى من قدامي
دلوقتي فضلت اقوله انا لسه شيفك داخل الاوضة حالا و أحدنا الموقف بهزار و

خلاص بعد فترة بدأت اسمعه بينده عليا اقوله نعم يقولي منادتش عليكى كنت مفكره
بيهرز أو بيضحك عليا بس بعد كدة بردو بدأت اسمع صوته بينده وهو مش موجود
الحقيقة الموضوع بدأ يكثر لدرجة أنى بقيت احسن إن عندي هلاوس و فضلت ع
الحال ده فترة كبيرة

بعد ما حملت و خلقت ماما جت تاخذ بالها مني و تراعيني ماما لاحظت أن في
حد بينادي ع أهل البيت كله باسمهم يعني الموضوع مش هلا س و لا انا بس اللي
فأكرة كدة لكن عدت الموضوع عشان مخافش بس انا كنت اتعودت اصلا خلاص
المهم بعد ما روحت ماما كنت أنا اتعودت اني انام مع بنتي في اوضة الاطفال
وجوزي شغله شهر شيفت ليلي و شهر صباحي مش مستقر و أنا طبعاً مش بنام
طول الليل من البنات بدأت الاحظ حركة في أكرة باب اوضة الاطفال كأن حد
بيحاول يفتحها مفيش حد في البيت و جوزي في الشغل و أنا مرعوبة بعد كدة
بقيت اسيب الباب مفتوح الباب بقى يجي ع معاد معين و الأكرة تعمل نفس
الموضوع حتى وهو مفتوح بدأت اخاف من النوم لوحدي و رجعت انام انا و بنتي
جنب زوجي و طلبت منه يغير الشيفت وعمل كدة فعلاً بقيت اصحى بليل الاقوي
زوجي بيرقلي كأن عينه هتطلع من مكانها و يتسمس ابتمامة مخيفة الصحيه و
احكيه و تقعد نضحك ويطمني و نام و بقينا واخدين ع التصرفات و بيت الرعب

اللي عايشين فيه ده لحد ما نشوف بيت ثاني و نعدي المواقف و ناخذها بضحك
مرة و نتخايق مرة و هكذا

بعد حوالي سنتين كنت في الحمام أعزكم الله الساعة اتنين و نص بعد نص الليل و
كنت بغسل و بعقم حاجات بنتي و الحوض اتسد فجاءة مع إن مكنتش في حاجة
سداه و قررت اعمل اغبي حركة ممكن حد يعملها في التاريخ جبت مائة مغلية
حرفيا من الكاتل و حطيتها في الحوض ونسيت اسمي في سري حتى و قد كان
خلصت و دخلت نمت

حلمت حلم غريب اوي ، حلمت بشخص قاعد في اوضة الاطفال و معاه طفل
رضيع ع أيده و الولاد ده يبصرخ بشكل غريب جدا وقام الشخص أو الكيان ده
يجري ورايا لحد ما وصلت لباب الشقة معرفتش افتحه لقيته وقف ناحية باب الحمام
أعزكم الله و قال انتي السبب انتي السبب هنتقم منك لازم تتحاسبي ع اللي عملتبه
و جري ناحيتي بكل طاقته صحيت صحيت الساعة تسعة الصبح أثناء نزول
جوزي الشغل كنت بصرخ هداني و حكيتله اللي حصل قال لا الوضع معدتش
يتسكت عليه لازم اجيب شيخ يشوف حل في الكلام ده

جوزي جاب شيخ و اتنين منفعش جاب واحد بردو كان يقول دي روح شريرة و
طرد الأرواح و الكلام ده بردو منفعش حالي بقت تسوء

بقيت احاول اموت نفسي بكل الطرق لدرجة إن جوزي جاب اهلي كلهم يقولوا
عندي بقوا عايشين معايا بقى يوصل بيا الحال اني بكسر الكويات بسناني و
امدغها ازايز الماية الكبيرة اشربها ع مره واحدة مخدش نفسي كنت ممكن اقوم امسح
الشقة خمس مرات ست مرات في نفس اليوم و مش مسح عادي بشيل الاثاث
كله احطه في مكان و اعمل كل ده وارجع امسح وافرش ثاني في الست مرات
بقيت احاول الذي بنتي بشكل لا إرادي وهما يلحقوها مرة هي و مرة انا بقى الجن
يهمسلي إنه يا يموتي يا يموت بنتي

لحد ما وصلت لمرحلة مخدش يتخيلها بقين ابرق للحاجة تسكت أو تتحرك لو
اتعصبت بقطع الكهرباء عن البيت كله كنت بقطعها عشان ماما متشغلش قرآن ولا
تعرف تتوضى وتصلي اعمل الاكل و اخذ الخلل من ع النار احطها ع السفرة مولعة
و اكل زي الوحوش مكنتش يجب اللحمة كنت بحط كيلو اللحمة في رغيف صغير
وأكله كله لوحدي و أكثر من كدة

كل ده و أنا مش حاسة كل ده هما بيحكوليو العلامات و اثار كل حاجة بتبقى ع جسي لكن انا مش بتقى حاسة الفترة اللي بعدها بقيت اتحكم في اي حاجة ليها علاقة بالكهرباء في البيت بمجرد النظر و مش بس كدة انا كنت بجم اني بروح اماكن ز بتقى كأني طيارة و الاقي فلوس ع الارض و كنت افضل اجمع فيها لحد ما الاقي كيان بيحاول يسحبني لعنده كنت اصمى و اوقات كنت الاقي في الشقة و أنا صاحية ذهب و عملات من اللي كنت بجمعها في الحلم كل ده و هما بيحاولوا يعالجوني طول الوقت ده لدرجة اخر شيخ

قال أصلها اتلبست من جن من خدام النار و ده كبير و شديد و لازم تكون إذت حد منهم عشان يعمل فيها كدة فحكيت اللي حصل يوم ما كنت بغسل حاجة بنتي معرفش بردوا يعمل حاجة بعد فترة كان جوزي بيحكى لواحد صاحبة في الشغل عن اللي بيحصلي فقالة صاحبة انا عندي الحل عند شيخ في بلد ارياف كانت بعيدة اوي عننا و بيعالج بالقرآن و لوجه الله ، يوم ماجه و حكامي شاف حركة صواب في شعري كأن حد يلعب في شعري و ييحركه يومها استعاذ بالله و قرر يقصه ليا الجزء اللي شاف في الموضوع ده مش هو لوحده ده كلهم و هما

قاعدين شافوا الموقف اتفقوا عليا و قرروا أنه يقصه من غير ما اخذ بالي اول ماحسيت كنفوني و قصوه فعلا بعدتهم عندي و دخلت المطبخ جيت سكينه و

حاولت اقتله و بقيت اصرخ و مش طايفة كلام من حد من ساعة ما جاب سيرة
الشيخ ده

فين لحد ما رحنا للشيخ كأننا رايجين نغير جو بس هما اخدوني عنده وهو قابلنا في
مكان مختلف عن مكانه و كنت حاسه و بعمل بردو حركات هستيرييه لكن الحمد لله
بعد ما شوفت الشيخ و أكثر من جلسه خفيت و بقيت اصلي و اصوم و اخذ بالي
من بيتي و اهلي و مبعثش اقطع القرآن من البيت

*****النهاية*****

دگاہی
نورھان

مسکون

الکاتبہ

نورھان اکمد فٹکی

مسكون

اسمي رايمى قاعد مع زمائلي في سكن كدة شقه ع قدنا ، الكل حذرنى من الشقه
دي أنها مسكونه و كل زمائلي كانوا يبشوفوا فيها حاجات غريبه و ظلال

اماكن حاجتهم بتتغير أو تختفي مكنتش مصدق لحد اليوم اللي كانوا كلهم مش
موجودين اللي بيحيب طلبات و اللي سافر لأهله و كان الشقه فيها ذباب كثير
أعزكم الله وقررت اني اطلعوا من باب الشقه عشان كان الدنيا ليل ففتحت نور
السلم و قفلت نور الشقه كله و بدأت اطلع الذباب و اهشه بفوطه عندي و أثناء
ما برفع الفوطه و احركها كدة عشان اطلع الذباب في الضلمة دي حد مسك الفوطه
و بعد كدة سابها فقول يمكن اتعلقت في حاجه رجعت تاني عملت نفس الحركة في
نفس المكان لقيت الشمع ده عباره عن خيال اسود و عينيه بتلمع و بتنور زي
القطط و سحب الفوطه مني قولت بسم الله الرحمن الرحيم و جريت افتح النور
لقيت الفوطه ع الأرض في نص الصاله و مفيش حاجه ماسكة فيها ولا في اى حاجه
يمكن تشبك فيها نزلت ع ركي اجيب الفوطه فجأة النور قطع و حسيت أن حد
ضربني بالقلم و قعد فوقى و فضل يخنق فيا يخنق فيا لحد ما فقدت الوعي صحيت
لقيت ابراهيم زميلنا في السكن بيصحيني

ابراهيم : انت أغمى عليك ولا نايم ولا ايه ازاي سايب باب الشقه مفتوح كدة و ايه
اللي مقعدك في الضلمة دي؟! !

انا كنت مصدوم وعمال ابعده كدة و اتأكد اني صحيت لما بدأت افوق حكيتله كل
اللي حصل ضحك

ابراهيم : امال لو عرفت اللي حصل لحسين هتقول ايه

رامي : ايه اللي حصل لحسين

ابراهيم : حسين اول واحد جه سكن هنا في الشقة كان قاعد لوحده في البدايه كان
يبشوف حاجات غريبة يعني حكاكي في مرة إنه كان قاعد بيقرأ كتاب و مندمج في
القراءة جدا و اتفاجع إن في شخص طالع من الدولاب داخل في الجدار اللي قدامه
وهو قاعد من الصدمة مكنتش مصدق هو شاف المشهد بجد ولا يحلم ثاني يوم في
نفس المعاد حصل نفس المشهد طلع يجري من الاوضه و قعد في الصاله و شغل
قرآن قعد يومين بعدها ميظهرلوش الشخص ده

ثالث يوم كان ايمن جه الشقة و بقت الأحداث تحصل للاتنين يعني بليل كانوا
يسمعوا صوت حد بيخبط ع باب اوضه كل واحد و يتخاقوا مع بعض إن مينفعش

الهزار ده عشان اللي وراه دراسة و شغل طول اليوم يعرف ينام لحد مآنا جيت و
بقيت انا و حسين في اوضة و ايمن في اوضة في يوم قمت ع صوت حسين
كان يبشوف كابوس و يقول لا لا لا متقتلوش متقتلوش فضلت اصحي فيه لحد ما
بدأ يفوق و بدأ يحكيالي اللي حصل

ابراهيم : حسين حسين قوم يا حسين قوم بسم الله الرحمن الرحيم

حسين برعب : ايه ايه في ايه

ابراهيم : قوم ياعم الله يخرب بيت اللي يفكر ينام جنبك في اوضة واحدة كابوس ده
بقي ولا انت بتتكلم و انت نايم !؟

حسين : كابوس كابوس يا ابراهيم انا شوفته شوفته طالع من الدولاب رايح ناحية
الجدار الجدار ده مكنش هو نفسه اللي في اللحم و الدولاب كان مكان الدولاب

ابراهيم بتعجب : ايه اللي الدولاب مش الدولاب و الجدار مش الجدار و مين ده
اللي يطلع من الدولاب لجدار انا مش فاهم

حسين : انا قبل ما تيجي كنت بشوف شبح شخص بيخرج من الدولاب ويدخل
في الباب الاول كنت مفكر أنه بيتها يآلي لكن اتكرر المشهد أكثر من مرة و بعد كدة

اختفى لوحده لكن اللي في اللحم ده كان في باب مكان الدولاب و الباب ده بيدخل على مكتب و في شخص بيجري ناحية المكتب ووراه الشخص اللي بيطلع من الدولاب و أثناء ما الشخص ده داخل المكتب كان الثاني طلع مسدس ويهدده بسبب شئ و الشخص اللي شوفته بيطلع من الدولاب ده كان لسه بيحط أيده في جيبه قام الشخص اللي معاه المسدس ضرب عليه ٣ طلقات

ابراهيم : اوعى تكون بتقول كدة عشان تنام في الاوضة لوحدك انا الحكايات دي متخوفنيس ولا تهزني

حسين : والله اللي بقولك عليه ده حصل

فجأة الباب اتفتح علينا ولقيننا ايمن داخل بيزعق ويقول

ايمن : ايه يا جماعة الهزار السخيف ده يعني واحد كان يخبط ع الباب و يجري الثاني بيخبطلي ع الجدار انا عايش مع مجانين ولا ايه

ابراهيم : لا بقى متستهبلوش هو كل واحد فيكم هيعمل حوار ولا ايه انا لانايم جنبه ولا جنبك انا هنام في الصاله

ايمن : يعني انتوا مخطوش و بتتروشونوا وبعدين انتو صاحين ليه لوع المقلب

استحملوا بقى اللي جاي

رد عليه حسين و حكااه كل اللي حصل

حسين : يا جعاه اقسّم بالله الشقه دي مسكونه انا من يوم ماجيت و انا بشوف

العجب

أثناء ما كلنا كنا قاعدين سمعنا صوت حد في المطبخ يطلع كوابيه و بيعمل شاي

صوت تقليبه الشاي وخبطها في الكوب ايه واضحة

بصينا لبعض برعب كدة و دخلنا كلنا ع المطبخ ملقناش حد حسين قرر يدخل

الحمام يتم عليه بالمرّة و لقيناه فجأة بينادي

حسين : ابراهيم الحق يا ابراهيم تعالى يا ايمن عشان تصدقوني

دخلنا انا و ايمن شوفنا حاجة و حسين نفسه كان شايف حاجة تانية خالص

انا و ايمن شوفنا جبل نازل من السقف كأنه مشنقة وبيتحرك لورا و أدام كأن حد

مشنوق فيها وهي بتتحرك بيه طلعلنا وقعدنا نستيعذ بالله من اللي حصل

لكن حسين فضل مصدوم شويه قالنا شوفتوا كمية الدم بصينا لبعض انا و ايمن و
اتفاجئنا أن انا و ايمن شوفنا نفس الحبل لكن حسين شاف البانيو مليون دم وفيه
كف ايد بس هو اللي ظاهر منه

المهم قررنا أننا نسال ورا الشقه دي و جينا السمسار نساله الغريبه أنه أنكر كل
حاجة وقال إن إحنا اول ناس نشتكي من الشقة و أن ناس كثير سكنتها ومحدث
قال الكلام ده

راي : كل ده حصلكم و لسه قاعدين فيها وليه محدش قال الموضوع ده اول ما أنا
جيت

ابراهيم : لأننا مصدقنا أن حسين بدأ يتأقلم و بطل يشوف الحاجات دي في البيت
بصراحة و احنا كمان

راي : و اشمعنا حسين

ابراهيم بصوت هادي: لأن الجثث كلمته

راي بتعجب : كلمته ازاي يعني!

ابراهيم : زي ما أنا بكلمك كدة حسين فقد النطق ٣ ايام بعد حادثة البانيو و دخل
قعد في الاوضة و كان طول الوقت شبه نائم لكن في الحقيقة كل حاجة حصلت
في الشقة دي مفيش غير حسين هو اللي يعرفها

رامي : يعني كل ده حصل و اتتوا قاعدين

قمت بجهز شنطة هدمي

رامي : انا بقي مش هستي اتجن و لا اتلبس في الشقة السودا دي

ابراهيم : استنى بس متقلش احنا جيبنا أكثر من شيخ و قروا في البيت و منهم
ناس عملت ترضيه للجن اللي في البيت

رامي : وايه الترضيه دي كمان

ابراهيم : لا ده موضوع يطول شرحه هحكيموك بعدين المهم إن الموضوع ده
مخلصش غير بمجموعة شيوخ جابهم لإمام الجامع و بقوا يجيو كل جمعه يعملوا حلقة
ذكر في البيت واحنا كل ٣ ايام بنعملها منها تقرب من ربنا و منها نحمي نفسنا

رامي : وايه اللي جابرنا على كدة يا بن الناس طيب ما احنا نشوف مكان ثاني

ابراهيم : انت في موسم و الشقة دي مفيش ارحص منها و كمان متقسمة علينا
الفلوس و حالتها كويسه مش زي الشقق اللي بتتسلم للمغتربين اليومين دول و
بعدين انا قلبك خفيف ليه كدة ما اتكشف يا بني بقولك شوفنا حاجات تشيب
الشعر

رامي : قالوا لا واضح انكم فعلا بتحموا نفسكم بدليل اللي ظهر لي انهارده ده

ابراهيم : لا عادي ده تلاقيهم مكنوش رجوا بيك بس و

قاطع كلامنا حسين وهو داخل علينا وبيقول هو مين اللي فتح أوضة الخزين و
مين اللي كنس الملح اللي كنت رشه قدام الاوضه دي

رامي بتوتر : انا هو ده كان ملح انا فكرته تراب كان مضايقتي فلميته في جنب

بصوا الاتنين لبعض و قام ابراهيم

ابراهيم : انا هدخل اقرا الورد اليومي اللي عليا و انا ام اسبيك بقى مع حسين يكملك
اللي حصله

حسين بغضب : انت حكيتله اللي حصل

ابراهيم : متقلتش هو كمان شاف منهم واحد

حسين : اكيد لما فتح الاوضه مانا قولت عرفوه إنه ميفتحهاش

رامي : ليه يعني انا كنت بشوف الاوضه ٤ أوض ليه اتتوا قاعدين في ٣ بس

منوسها ع بعض وبعدين معرفش أن الجن واخذها يعني

ابراهيم و حسين ضحكوا

ابراهيم: لا تصبحوا ع خير انا بقى عشان انا والجن ورائنا شغل الصبح هديه كدة و

ناموا احسن ده عاوز يمشي

حسين : حاضر و انت يا عم رامي ايه اللي حصل قلقك اوي كدة

رامي : هي شغلانه بقى كل واحد يدخل احكيه

حسين : معلش اضبط علي نفسك و احكي لي

وبعد ما حكيت كل حاجة لحسين ابتسم كدة و استغفر ع السبحة اللي في أيده

وقال :-

حسين : بص كل ده عشان فتحت الاوضه دي احنا جمعنا كل حاجة ليها علاقة
بالناس اللي سكنت قبلنا فيها الشقة دي كانت نحس علي اللي يسكن فيها
رامي : ايوا احنا مالنا بقى و بعدين ايه موضوع الجثث اللي كلمتك دي

حسين : انا لما جيت دفعت الايجار مقدم للصاحب الشقة اللي جه مع السمسار و
كان من الواضح أن الراجل عاوز يخلص منها لكن انا قولت يمكن مستعجل ع فلوس
ومحتاجها مش أكثر و وقتها السمسار قالي أن هيبقي معايا شباب هيدفعولي الايجار
و هيبقي شرك بينا فرحت لانى ع طول وحيد و عمري حتى منزلت اقعد ع التهوه
مع حد شخص في حالي طول الوقت بعد كدة بدأت اشوف بدأ يحكي لي اللي حكا
ابراهيم لحد ما وصل ل ١٣ ايام اللي فقد النطق فيهم

وقال

حسين : الشخص الأول اللي اتقتل هنا كان أبو الراجل اللي اجرنا منه اخوه اتخاق
معاه ع الورث فأخذ المسدس وقتله و مكنتش يعرف أن الأخ اللي مات كان جايب
الورق ليه عشان يقوله أنه قسمه بينهم بقسمة العدل و الورق كان في جيبه لما
عرف كدة مستحملش اللي عمله فضل يخبط دماغه في المكتب..

بعد كدة دخل جاب من البلكونه جبل و ربطة في جنش كان في سقف الحمام ، و شفق نفسه أما البانيو ده كان في بنت اخدت الشقة كانت موديل أجنبية ضحك عليها منبج و اتجوزها اول ما عرف انها حامل هرب و اختفى و اكتشفت كمان أنه مأجر الشقة مش ملكها زي ماكان مفهمها و مش بس كدة ده لما بدأت تهدده وبتعتله مراسيل بإنها هتفضحه سلط عليها صحفي يقول انها حامل من اب غير معروف و إنهم عندهم الموضوع بالغرب عادي لكن مشكلتها مع المنتج أنها ماضية شرط جزائي ٥٠٠ الف دولار في حين فسخ العقد أو الإخلال بشروطه ، و من ضمن الشروط لا تتجوز ولا تحمل ولا حتى تدخل علاقة أثناء العمل معاه بشركته لمدة ٣سنوات انا بصراحة كنت اول مرة اعرف حاجة زي دي و ضيق عليها المجال و منع اي حد يشتغل أو يتعامل معاهها ولأنها مدفعتش الشرط الجزائي، منعها بالعقد من السفر و ضاقت بيها كل السبل فقعدت في الشقة لحد ما الاكل و الشرب خلص و دخلت الحمام قعدت تبكي في البانيو، وقامت قطعت شراينها و مكنتش ماتت ع طول لكن اتصفت لحد ما ماتت ..

رامي : و انت عرفت كل ده منين ؟

حسين : انا لما فقدت النطق انا كنت في عالم ثاني شوفت كل حاجة كاني واقف

معاهم بس هما مش شايفين كاني رجعت بالزمن مقدرتش اساعد حد منهم روحهم
متعلقة بالمكان لانهم كلهم كان عندهم هدف أو محمه عاوزين يكملوها بس انا شوفت
كل ده ع إنه احلام مجرد احلام لكن مع الوقت عرفنا من الجيران أننا اول ناس
تيجي و تقعد في الشقة المدة الطويله دي

رامي : خلصت

حسين : اه بس مفيش حاجة من دي موجوده انت بس تلاقي عمار المكان رحبوا
بيك مش أكثر عشان فتحت الاوضه و شيلت الملح اللي مقري عليه من قدامها

رامي : لا رحبوا ولا مرحبوش انا هلم حاجتي و سلام عليكم من هنا

حسين : يا بني هتلاقي فين صحبة زيننا ولا حاجة في نص الموسم ده للمغتربين في
السعده

رامي : لا شكرا انا هرجع بلدي لو ملقتش

و فعلا لميت هدومي ونزلت بلدي و مرجعتش لشقة ابدا ولا حتى تواصلت مع حد
منهم حتى لما كان حد منهم يتصل بيا مكنتش برد بيعت رسائل مكنتش برد الغريبه
بقي ايني من ساعة ما رجعت بشوف واحده في احلامي من اجمل البنات اللي ممكن

حد يشوفها أو يتخيلها واقفه ع بير و بتقولي اقلني اقلني و بترميم نفسها فيه وانا
مش عارف دي حلم ولا حقيقة كل اللي اعرفه اني بدأت احس اني يشوفها وشوش
كل الناس حواليا مش عارف هي مين وليه مبعثش اشوفها غير لما رجعت البيت
وهل ليها علاقة بالشقة ولا دي قصتها قصة تانية خالص (٢٢)

النهاية



تمائیل تتحدث

للکاتبه

نورهان أحمد فتحي

تمائيل تتحدث

فجأة تمائيلي إتكلمت و صرخت في وشي وبدأت يتغير شكلها

انا حنان عندي ٢٨ سنة ،أنا بحب الفنون و النحت و عمل التماثيل بكل أشكالها و أنواعها بيتي كله تماثيل و أشكالها تحفه ومبهجه من حيي للفن دا روحت أخذت فيه كورس و إتعلمته و أتقنت عمل التماثيل و أتقنت النحت وكيفيه التعامل مع الألوان لدرجة إن اللي كان يشوف أي تمثال من اللي عملاهم للوهلة الأولى كان يفكره شخص حقيقي مكنتش بابيع شغلي يعني كنت بعمله و أسويه عندي في أوضة في الشقه بتاعتي عملها زي المخزن كده ومكنتش بغطيمهم ولا حاجه كنت بسديهم في الأوضة ومش في دماغى حاجة و في يوم زارتي جدتي وكانت أول مره تجيلي و أول مادخلت:-

جدتي : بسم الله الرحمن الرحيم السلام عليكم ورحمة الله السلام عليكم يا أهل المكان و عمارة

حنان : وعليكم السلام يا نينا

جدتي : ضحكت وقالت الأولي كانت ليكي الثانية للعايشين معاكى

حنان : مين إللي عايشين معايا ماتتي عارفة إني قاعدة لوحدي

جدتي : عمار البيت يا بنتي عمار المكان إللي مانشوفهمش إنما هما شايفين وعارفين كل حاجه بنعملها

حنان : نينا مفيش الكلام دا ومتخوفنيش أنا قاعدة لوحدي ومفيش حد معايا و أنا مرتاحة جداً

جدتي وهي داخلة على الصالة عدت أوضة من الأوض لاقيتها مقفولة بعكس باقي الأوض
فسألتني:-

جدتي : اتني قافلة الأوضة دي ليه ؟

حنان : مفيش يا نينا والله دي أوضه حاطه فيها شغلي وعملاها مخزن

جدتي : طيب في حد فيها

حنان : لا يا نينا والله بقولك انا قاعدة لوحدي

جدتي : أنا مش بسألك أنا بقولك إن فيه حد فيها أنا شوفت حد معدي من قدام
أزاز الباب يا بنتي

حنان : لا يانينا إتي بيتهائك بس مفيش حاجة

جدتي : متأكده يا بنتي

حنان : أنا أيوا متأكدة والله و عشان تطمني تعالي أنا هفتحهالك

و روحت جبت فعلاً مفتاح الأوضة و رجعت و أول ما حطيت المفتاح في الباب
ويفتح الباب كانت الصدمه ليا أكبر من صدمه جدتي

جدتي : “بسم الله الرحمن الرحيم” إيه الريحة دي الأوضة مكتومة كده ليه ؟

حنان : ماينطقش من المي أنا شوفته

جدتي : قافلاها ليه يا بنتي كده دي حتى قفلتها كده مش حلوة و بعدين مخزن إيه
دي مليانة تراب و عنكبوت زي ماتكون ماتفتحتش من قرن و فين شغلك
وحاجتك دي ؟

أنا في زهول من إللي أنا شايفاه فين شغلي فين حاجتي مين كان فيها فرديت

حنان : أنا أكيد إلتسرتت أكيد إلتسرتت حد دخل الشقة وخذ كل في الأوضة

جدتي : إلتسرتتي إيه يابنتي دا إتتي قافلاها بالمفتاح و لسة فتحاها قداي

حنات : خليكي هنا يابنتنا هنادي على البواب و أجي ..

و جريت أنادي على البواب و مراته و أنا في حالة من الفزع و بقول جوايا إزاي شكل الأوضة أتغير كدة إزاي أنا لسه من يومين حاطة التماثيل و اللوح جواها كدبت كل دا و قولت بلاش تخاريف يمكن سبت شباك الأوضة مفتوح بس مش معقول المنظر دا حصل في يومين البواب طلعلني ..

عم محمد البواب : خير يا استاذة محبجاني في حاجة

حنان بغضب : طبعاً أمال بنادي عليك ليه مين دخل و خرج من العارة اليومين دول و كان طالع ملين و مين جه و أنا مش موجودة و دخل أنت نايم على ودانك ولا إيه شكلك كبرت مبقتش عارف تشوف شغلك كويس

عم محمد : شكراً يا أستاذة بس هو محدش جه ولا هوب ناحيه شقتك من يومين حتى إتتي منزلتيش منها ومفيش حد جه غريب العاره غير اتنين أصحاب الأستاذ شريف إللي فوق حضرتك و دول دايمًا يجولوا يقعدوا معاه ساعة المغربية شوية

حنان : أنا ماليش فيه أنا شغلي كله إللي في المخزن إتسرق و شقتي إتسرقت و
هعرف مين و مش هسكت

عم محمد : إهدي بس يا أستاذة حضرتك عمرك ما خرج منك العيب أنا أول مره
أشوفك كدة ، أنا عمري ما هعرف إنك إتسرقتي و أسكت أنا هجلب العماره فوقها
واطمها و أعرفك مين دخل العماره

جدتي خرجت من الأوضة على صوت زعيتي وهدلتي للبواب

جدتي : إيه إللي إتني عمالة تقوليه دا و بتزعتي في الراجل كده ليه ماقالك محدش
دخل وبعدين هو لو حد دخل هيسرق الحاجة إللي كانت جوا دي إزاي ما كان
هييان يا بنتي إهدي و إعتذري للراجل

حنان : أنا أسفة ياعم محمد بس أصل إللي إتسرق مش حاجات صغيره يعني دا
بلاوي

عم محمد ولا يهملك يا أستاذة فداكي و أنا بردو هشوف الموضوع دا واسأل مين دخل
وخرج من العماره عن اذنكم أنا بقا

جدتي : بالسلامه ياعم محمد و أسفين ليك ع إللي حصل بس اعزرها هي متعصبه

عشان حاجتها بردو

عم محمد : مقدر ياهانم مقدر

جدتي قفلت الباب بتاع الشقه ودخلت فتحت شبايك و بلكونات البيت كله

جدتي : إنتي ماينفعش تقعدي لوحك تاني خلاص

حنان : يا نينا حياتي و أنا حرة فيها أعمل فيها إللي يعجبني

جدتي : يابنتي في حاجه غريبة في الشقة دي

حنان : إيه الكلام الغريب إللي حضرتك بتقوليه دا مانا عايشة فيها طول عمري

يعني مجرايش حاجة إشمعنا لما حضرتك جيتي يعني ؟

جدتي : قصدك إيه يعني بلما أنا جيت

حنان : قصدي إني إتسرقت و حضرتك عاملتي باقي الحدوته بتاعة الشقة فيها حاجة

و مش عارفة إيه عشان أخاف و أجي أعيش معاكي تاني مش هيحصل يانينا

أنا مرتاحة في حياتي هنا جنب شغلي ودراستي أنا حياتي هنا

جدتي: الله يسامحك يا بنتي أنا ماشية و مش دخلاك هنا تاني طالما إتتي متخيلة

إني بخرف و بعمل حواديت عشان تعيشي معايا تاني

حنان : يانينا مش قصدي كده مترعيليش إستنتي يانينا ونبي خلاص

طبعا كانت جدتي بعد الكلام و الأسلوب دا مشيت رزعت الباب وراها

و أنا من كتر العصبية و النزفة محدتش بالي إني مقلتش باب الأوضة تاني و

قعدت علي الكنبه معرفش بقا أنا نمت ولا أنغى عليا المهم إني شوفت كابوس

شوفت إني واقفة و حواليا تماثيلي و تماثيل تانية وحشة أوي التماثيل بتاعتي إتحولت

وراسها بقت تتحرك ناحيتي و تبصلي و تصرخ و تبكي دم و أنا عمالة أبعد و أهرب

وهي كل ما أجري و أبعد صرخاتها تبقى أكثر و أنا بجري خبط في حد هو مش

إنسان هو كائن طويل جداً و عريض و كله اسود و عينه منورة لونها أحمر

مافياش النبي بتاعنا دا و أيده واصله للرجله وله ديل طويل لف ديله على جسمي

و صراخ التماثيل بدأ يعلي و يقوي أكثر و هو عمال يلف ديله عليا و يضغط جسمي

و يرفعني لفوق و أنا بجاول أذكر الله أو أقول آيه أو سوره من إللي حفظاهم مش

عارفة و فجأة رفعني لفوق لحد وشه و قال في ودني كلام كثير مش فأكرة منه غير

شوية حروف و أرقام و باقي الكلام مش مفهوم و فجأة حدفني عند تماثيلي من

الارتفاع دا حدفني على وشي دماغني إفتحت من فوق حاجبي حاولت أقوم لاقيت
تمثال شهبي كأنه أنا واقف أدامي فجأة التمثال بيحجب دم من نفس المكان إللي بنزف
أنا منه، كل التماثيل مره واحده صرخت جامد حطيت ودني بأيدي من شده
الصراخ لاقيت التماثيل

إفجرت كلها وبقت تنزف دمدم كبير في كل مكان زي البحر إستعذت بالله من
الشیطان الرجيم أخيراً قدرة أتكلم قوت آية الكرسي و أنا بكملها بفتح عيني
صحيت من النوم و أخيراً قومت قعدت أقول أعوذ بالله من الشيطان الرجيم تقريباً
سبع مرات وفي وجع في دماغني فطيع بحط إيدي علي دماغني لاقيت في إيدي دم
قمت أشوف دماغني في المرآة إتصدمت إيدي و هدومي عرفانين دم وفي حد رايح
جاي ورايا في المرآة مش قادره أشوف وشه ولفيت أشوف وشه خبط دماغني في
المرآة فجأة لاقنتني في أوضتي نايجه على سريري ولسه بصحي من النوم قومت ووقت
أدام المرآة أنا كويسة مفيش حاجة جريت فتحت الأوضة إللي فيها التماثيل كل حاجة
موجودة جريت اتصلت بجدتي

حنان : الو يا نينا إنتي فين

جدتي : أنا في البيت يا حبيبتي ليه ؟

حنان : هو حضرتك لسة زعلانة مني ؟

جدتي : أزعل منك ليه يا حبيبتي دا حتي أنا كنت بفكر أجيلك بكرة أقعد معاكي
حبة لأنك وحشاني بقالي كبير أوي ماشوفتكيش

حنان : إيه ؟ يعني حضرتك مجتليش لإمبارح أو لإنهارده الصبح ؟

جدتي : لا يا يا حبيبتي أنا متحركتش من البيت أصلاً هو في حاجة يا بنتي طمنييني

حنان بتوتر وقلق: لا يائينا لا دا أصل البواب قالي إن في حد جه سأل عليا و أنا
مش هنا فافكرت حضرتك جيتي يعني وزعلتي إنك مالتتنيش

جدتي : لا يا حبيبتي انا مزعلش منك أبداً أنا أول ما هنزل هفوت عليكي تقعد مع
بعض شوية

حنان : تمام يائينا وانا برودو هحاول أفضو واجيلك

جدتي تنوري يا قلبي تنوري

وخلصنا المكالمه ع كده

سمعت وانا بقفل المكالمه صوت حركه في الأوضة

قومت أجري فتحت الأوضة لمحت فعلاً خيال في الأوضة نورت كل الانوار ، و
قولت لو في حد هنا أطلع وريني نفسك متستخباش أنا مش هأذيك لو محتاج
مساعدة هديك إللي فيه النصيب وماسكة في أيدي فازه علي أساس هحذف بيها
حرامي مثلاً دا كان اعتقادي كنت حاسة إن في حد معايا في الأوضة انس بقي أو
جن كنت عاوزة اعرف إيه و مين معايا في الأوضة وكررت الكلام ثاني أطلع إحنا
مفيش غيرنا هنا قبل ما أكلم الشرطة أنا مش هأذيك مفيش أي حاجة حصلت
قمت داخلة وقافله الباب عليا ماهو يقاتل يامقتول بقا وحطيت المفتاح في جيب
البيجامة وقعدت أدور على مين في الاوضه الغريبة إن و أنا بدور لاقيت التماثيل و
كل حاجة بس أماكنها متغيرة وواقفة في أشكال معينة قلبت الأوضة مفياش حد
قمت واخدة التماثيل كلها مرتباها ثاني جنب بعض و أنا برتهم لاقيت مراية محطوة
قدام تمثال كبير

أخذت المراية

حنان : إيه دا! إيه إللي جاب المراية دي هنا أنا مش فاكدة إني جيت مرايات هنا، و
إيه التمثال الكبير دا دا شبه حد أعرفه بس هو أنا عملت التمثال دا أمتي أصلاً
من الواضح إن من كتركم نسيت اشكالكم

وربت الأوضة وأخذت المراية و فتحت الباب و طلعت المراية حطيتها في أوضتي
ورحت أتم على شبايك الأوضة ثاني لا يكون إللي في الأوضة قطة و لا حاجة
ورحت الأوضة ثاني كانت المفاجئة!!

حنان: إيه دا يا نهار أزرق مين رجح التماثيل ثاني هنا و قعدت اصرخ مين موجود
معايا هنا علوز مني

إيه أنا عمري ما أذيت حد أنا بقولك هساعدك و أقعدت أصرخ حبه كده ومعرفش
جه في دماغي ليه أعلم مكان ما التماثيل رجعت ثاني جريت وجبت قلم ألوان أسود
و دخلت الأوضة ثاني علمت على أماكن التماثيل في الأرض ورجعت التماثيل مكانها
ثاني وأنا برجح التماثيل لاقيت التمثال الكبير قدامه نفس المراية إللي حطيتها في
أوضتي ثاني أخذت المراية وطلعتها برا و قولت بصوت مسموع مش عالي أوي ولا
واطي لا دا مش شغل حرامية ولا ققط دا شغل عفاريت بقا ، لاقيت صوت
خبط في الأوضة

رجعت وقولت ثاني في الأوضة طيب لو فعلا دا شغل جن وعفاريت إظهارلي
بسخرية طبعا من الموقف فحصل خبط علي الحيطة جامد أوي فا قولت ياسلام
طيب لو الحلو عفريت يخبط خبطين لو مش عفريت يبقى تلاته

إتخبط خبطتين وأنا بدأت أدرك إن الموضوع مش هزار وبدأت أخاف وأحس إن

في حد موجود معايا فعلاً

فجأة سمعت ثلاث خبطات

ولاقيت بيتكتب بالدم على حيطه الأوضة إقذيني

إقذنا

و المראה فجأة إتكسرت لوحدها

فسألت أنت انتو مين برعب وصوت ممزوز

لاقيت إتكبلي على الحيطه ما ماريا

وصوت صراخ جامد

أنا طلعت أجري من الأوضة وقعدت أقول في أذكار كثير لحد ماهديت شويه

وقولت أنا أكيد بجم أنا هدخل تاني مش هلاقي أي حاجة أنا بيتهيألي أكيد بجم

رجعت تاني دخلت الأوضة لاقيت الكلام ع الحيطه مانغيرش

و أنا بسأل في دماغي كل دا دا حلم ولا علم حقيقته ولا خيال فجأه و أنا بفكر وكل
دا حواليا

إتكتبلي علي الحيطه بصي على العلامات

حنان : علامات إيه ؟

بصي على العلامات بدأت أبص على أماكن التماثيل و أحدها كويس تاني

بدأت أوصل الأماكن إلي متعلم عليها مكان التماثيل لقيتني برسم دايره و حواليا
مثلثات كأني برسم نجمة داوود جوا الدايره بس هي مش شبهها

لاقيت علي الحيطه مكتوبلي إفتكري الأرقام و فجأه صراخ جامد و فجأه لاقيتي
بتشال و أتحدف بره الأوضة و من قوه الحدفه أنا دماغي إتخبطت في الجدار إلي
مقابل للأوضة و بعد كده فقدت الوعي

فوقت على رن جرس الباب بشكل مزيج وفتح الباب لاقيت مفاجئة قدامي حد
مكنتش أتوقع في حياتي إنه يزورني أصلاً

شريف!!!!

بالمناسبة شريف دا جاري إللي في دور إللي فوقي وكل الناس كانت بتشك في
علاقتنا ببعض لأننا قاعدين إحنا الأثنين لوحدنا وسننا مقارب لبعض و لأن شغلنا
كان في مكان واحد كنا طالعين نازلين سوا في أغلب المواعيد بس انا مكنتش
برتاحله كنت بحسه غامض و منطوي و ملوش غير إثنين رايحين جاين عليه وكان
أغلب كلامه مش مفهوم حتى لو إتكلم فكنت بكره حتى أجمع معاه في أي مكان

المهم

أول ما فتحت الباب إستغربت جداً أن شريف هو إللي كان علي الباب قاطع
إستغرابي و قالي:-

شريف : ممكن أدخل؟

حنان : تدخل فين في ساعه زي دي حضرتك عاوز إيه؟

شريف : ماريا رجعت!!

حنان : ماريا مين؟

شريف ماريا إللي كانت ساكنه قبلك هنا إتني رجعتيها

حنان: رجعتها إزاي أنا محدش جاني ولا شوفت حد

شريف: إتي عملي حاجة إتي تواصلتي معاها هي مش بترجع غير للإنتقام

انا: إنتقام إيه و ليه و من مين ؟ وبعدين مآنا بقالي سنه قاعدة هنا مشوفتش حد

شريف: طيب ممكن أدخل و أفهمك كل حاجة

فجأة سمعت صوت بيوشوشي في ودي بيقولي أوعي تدخله إياكي إنه يدخل هقتلك
إتي فاهمة هقتلك

حنان تتظاهر أن مفيش حاجة بتحصل : مينفعش حضرتك تدخل أنا مش ناقصه
كلام الناس عليا كفاية إللي بيقلوه علي قعدتي لوحدي

شريف قاطعني : قالي لو مش هتدخليني يبقى تنزلي معايا دلوقتي نعد في أي حته
أو تطلي عندي فوق شقتي و أنا هسيهالك الفتره دي الشقه دي مش أمان عليكي
دلوقتي و لازم تعرفي كل حاجة خلاص مينفعش نداري الحقيقة أكثر من كده

حنان : حقيقه إيه ؟

شريف مش هقول حاجة غير لما تنزلي معايا

حنان: قولتلك مش هنزل ولا هطلع من شقتي و أرجوك إفهم بقا أنا تعبانه عايزة أنام

تصبح على خير

و بقفل الباب في وشه

صده بإيده

شريف: أوعي تسمعي كلامها أرجوكي كل إللي هتقوله كذب وخداع

حنان: أنت مجنون إيه إللي بتعمله دا تصبح على خير و خليك في حالك لو سمحت

وقفلت الباب جامد و أنا كلي رعب وزعر من إللي قاله و بلف و نظري وقع علي

مكان المراية ملقتهاش و حسيت إن في حاجة عدت من خلالي جسمي تلج و

إتخشبت مكاني أنا مش عارفه أتتحرك و معنديش أي سيطره على جسدي ياريتني

كنت سمعت كلامك يا شريف بعد ما إتجمدت و وقفت في مكاني زي الصنم لاقيت

إن شقتي إتغيرت ؛ هي شقتي أه بس مليانة ناس معرفهمش لابسين أسود و شكلهم

قريب من شكل البشر و بيقولو كلام بصوت واطي أوي تم تم تموت دم دم دمار

وموت دا إللي قدرت أفهمه من الكلام وجاه حسيت إن في حاجة بتنزل من دماغي

و أنا متكتفه و من مناخيري و ودني و عنيا إيه دا

دا دم أنا بنزف فضل الدم ينزل و أنا مش قادرة حتى أصرخ

ماريا : متخافيش أنا هاخدك معانا كل دول جاين عشانك ولو قاومتى هتموتى أو
هخفيكى

هخليكى ولا عايشه ولا ميته هقتلك كل أحبابك و قرابيك هدمرك لحد ما تتنى
الموت أو تنتحري و ساعتها حاجي و هاخدك بردو

أنا بكل قوتي عشان أقدر أفتح بؤي و أطلع صوت

حنان : أنا أذبتك في إيه أنا معملتلكيش حاجه ليه تعملي فيا كده

ماريا بضحكه شريره و بشعة : إتي عملي إالي محدش عمله بس مش إتي لوحده
هو كان عمل حنان : هههو مين ؟

ماريا صرخت جامد في وشي بكلمه مش مفهومه و خبطتني على دماغي فقد الوعي
قمت ثاني يوم على صوت جرس الباب

انا بكل خوف ورعب ومش قادره اتحرك : ممم مين

شريف : أنا شريف إفتحني الباب لو سمحت

حنان: أنت عاوز مني إيه ؟ سييني في حالي بقا

شريف: أنا علي الباب ومعايا جدتك ومش همشي إلا لما تتكلم

أنا تماسكت شوية فتحت الباب عشان جدتي

حنان : إزيك يا نينا ؟

جدتي: إزيك اتني يا حبيبتتي خير مالك يا بنتي

حنان : مالي أنا كويسة الحمد لله

جدتي : كويسة إزاي يا بنتي بس دا البواب و جارك الاستاذ شريف قلقانين جداً و

كلموني!

حنان : ليه يعني إيه إللي حصل أنا قولتلك يا أستاذ شريف إنه ميصحش إنك

تجيلي في وقت متأخر و إن إللي إنت بتقوله مش هياثر عليا و معنى كده إنك

شاكك إن الكلام إللي بيحصل دا بسبب حاجه في دماغك إنك تجيب جدتي

عشان تقنعني

شريف برق لي وقاعد يشاورلي على إني أسكت

أنا زي الهبلة : إيه في إيه عمال تغمزني ليه مش عاوزها تعرف إنك جيتلي متأخر
جدتي قاطعتني : إيه يا بنتي الكلام دا وبعدين هما كلموني لما قلقوا عليكِ إنك
بقالك ثلاث أيام قاعده في الشقة ولا نزلتي ولا طلعتي و سامعين صوت صراخ و
أصوات غريبة جداً وخبط و رزع في الشقة ولما بيجو يخبطو الأصوات بتسكت
حتى الأنوار ماكتيش بتشغلها خالص سكتت جدتي شوويه،، وهي بتبصلي
ياستغراب إيه يا بنتي إيتي هتفضلي متنحة ومصدومة كده مش هتقولي إيلي حصل
طيب حتى مش هتقوليلنا إتفضلو

حنان : إتفضلي يادانينا أنا أنا أسفه إتفضلي

شريف : كويس لني إطمنت عليكِ أنا هستأذن و أبقى أجي أطمن عليكِ بعد ما
الحاجه تمشي

حنان : تظمن عليا ليه هو أنا تعبانه وبعدين هو انت فاضيلي مواركش غيري ولا إيه
أنا كويسة لما أحتاج حاجة هبتي أكلم البواب

أنا مش عارفة أنا كلمته كده ليه أنا كان نفسي يحكي لي إيلي حصل ويطمني و أعرف
لإزاي أنا إختفيت ٣ أيام

بس أنا رديت بعكس كده مش عارفة ليه كان مش أنا إللي رديت كاني كنت

مجبورة أقول كده أو إن حد بيتكلم بلساني

شريف بنبره كلها حزن و إستياء: أنا بس كنت عايز أظمن عليكي مش أكثر و

أفهمك إللي بيحصل و قاطعته

حنان : لو أحتجت أفهم حاجة هبلغك

مكنتش طايقه وجوده في الشقة حاسة إني في حاجة مسكاني من راسي و بتعصرها

وجع فوق الوصف طول ما شريف واقف جوا الشقة

جدتي : يا بنتي مايصحش أقعد يا بني هأعملك حاجة تشرها

شريف : لا يا حاجة أنا ماشي تسلمي

جدتي : معلىش يا بني أنا بعتمدلك عن قلة أديها و قله ذوقها معاك و باصتلي بغضب

وقالت من الواضح إن قعدتها لوحدها علمتها قلة الذوق

حنان : نينا انااا

قاطعتني

جدتي : ولا كلمة أنا ساكنة بس لوجود الراجل المحترم دا حسايي معاكي بعدين

اتفصل يا بني أوصلك لباب

شريف : لا يا حاجه مفيش داعي أنا عارف طريقي كويس

شريف و هو طالع باب الأوضة إللي فيها التماثيل إتهبد جامد كأنه هيتخلع من مكانه من شده الخبطة ولاقيت شريف باصص للباب و بيتنسم و يقول:-

شريف : أنا عارف إنك مش طايقة وجودي عارف إنك مش حابة إني أعرفها بس أنا مش هسيبك تنذمها

حنان : بتقول حاجة يا أستاذ شريف!؟

بعدين بعدين هتتعرفي كل حاجة

مشي شريف و مسكتني جدتي و سيل هائل من التهزيق و الأهانه ممزوج بالزعر عليا و إيه سبب إختفائي و أنا مجاول أبرر إن كل دا محصلش و إني كنت تعبانة الفترة إللي فاتت بس شويه و إن ممكن أكون نمت فعلاً ٣ أيام

بفعل منوم أخذته ولا حاجه وإن الأصوات والصراخ مكنتش من عندي وهما
بيتهياهم طبعاً أنا بقولها كده عشان متخافش عليا ولكن لآتهى الحوار بأني لازم أروح
أعيش معاها و بصراحه أنا قوتل في بالي ياريت أهو أرتاح من الرعب إللي عيشاه
دا لحد ما فهم كمان في إيه بيحصل

حنان : طيب أهدي بس يا نينا و كل إللي عاوزاه هعمله بس أهدي أنا هدخل
أعملك كوبايه عصير تروق دمك

جدتي : يابنتي أنا خايفه عليكي

حنان : عارفه والله وأنا ليا غيرك في الدنيا

ودخلت المطبخ وكانت الصدمة المطبخ مدمر مفيش حاجة في مكانها و مكتوب في
كل حته في المطبخ بالدم ساعديني ع التلاجه والرخام و أزاز البوتجاز و الأرض في
كل حتى ساعديني بس علي الأرض كان مكتوب كلام غريب كان مكتوب في دايره
كبيرة علي الارض كل حرفين مكتوبين في مربع جوا الدايره أصلاً الدايرة كلها مربعات
مكتوب فيها مو/ات ٩ /دم /ما /ري /اش /ري /ف /٨٧ /أد /ني /سا /دي /تق /اب /ل

قم /رش /مس

و نجمة و رسم بدائي جداً كأنه رسم طفل لوش حد و بؤه كأنه متخيظ معمول عليه
خطوط بالطول كثير

أنا طبعاً إتسرعت بعد المنظر دا و أقعدت أصرخ و أنادي على جدتي

حنان : يا نينا يا نينا إلحقيني يا نينا

جدتي جايه بسرعة : خير يا بنتي في إيه بسم الله الرحمن الرحيم

إلحقي بصي المطبخ بصي إللي علي الأرض دا و بشاور علي الأرض و المشهد اتغير
تماماً ، المطبخ ييلمع أنضف من مانا كنت سيباه و الغريه كان إن العصير معمول و
جدتي بتحلف إنها سمعت صوت الخلاط كان!

جدتي : إيه يا بنتي إللي شوفتية الأرض زي الفل اهيه

أنا طبعاً مبقتش عارفة أقول إيه إتحمجت حجة هبلة

حنان : صورصار كان في علي الأرض صورصار أنا هعمل العصير و أطلع بس

خليكي جنبي

جدتي : سلامة عقلك يا بنتي ماتتي عملتي العصير أهو دا أنا سامعة صوت الخلاط

من بره أنا فكرتك إتكهريتي من صراخك

حنان : أنا اه صح تقريباً من الخضة نسيت إني عملت العصير

جدتي ضحكت : أه الصور صار ينسى بصراحة إتي حبوب المنوم دي شكلها

بتعملك هلوسة

حنان : إيه علاقتها بس يا نينا خلاص تعالي نطلع نعد بره

جدتي : والعصير

حنان : هجيبه يا نينا يلا بس نطلع

جدتي أول ما قعدت : إتي محببته حاجة عني يا بنتي

حنان : هاخبي إيه بس يانينا ؟

جدتي : مش عارفة طيب أقولك على حاجة إللي حساه يعني!

حنان : قولني

جدتي : حاسة إن فيه حاجة في الشقه دي و بعدين الشقة ريحتها غريبة أوي

حنان : حاجة زي ليه يعني

جدتي : زي اللهم إحفظنا (جن) الشقة ريجيتها وحشة زي ما تكون كانت محروقة
أو مولعين في خم أو خشب جواها

حنان : محروقة ؟؟؟

جدتي : أيوا و بعدين قلق جارك مكنش طبيعي و ردك عليه بردو نفس الحال
و بعدين أنا حاسة إني مخنوقة أوي و إن فيه حاجة كاتمة على نفسي يا بنتي و إتني مش
مريحاني إتني بتصلي يانونو و بتشغلي قرآن هنا في البيت ولا دي كان نسييتها

حنان : لا يا نينا و الله بصلي لما يرجع من الشغل و الجمعة بشغل القرآن دا أنا عاملة
أوضة لصلاه و حاطة فيها الازدال و المصلية و المصحف حتى التابلوهات إللي فيها
آيات قرآنية جمعتها و علقتها فيها و القرآن في الأوضة مش بيتقطع

جدتي : متأكدة إنك بتصلي يا بنتي و عاملة كده فعلاً

حنان : أه و الله تعالي حتى شوفي بنفسك

أخذت جدتي و وريتها الأوضة و فعلاً إطمنت

جدتي : طيب أنا عاوزاكي تطلعي التابلوهات دي توزيعها في الشقة و القرآن
يشغل في الصالة متقصر يش علي الأوضة بس و متقفلش الأوضة دي خليها
مفتوحة

و لفت بصت علي الأوضة إللي فيها التماثيل لاقيتها مقفولة أنا بدأت أخاف جدتي لو
عرفت إني رجعت أعمل تماثيل تاني ممكن تموتي لأنها متدينه جداً و بتشوف إن كل
دا حرام

جدتي : طبعاً مش هقولك الأوضة دي مقفوله ليه بس يا حبيبتي طالما إتي معاكي
حد في نفس الشقة و مأجرة منك الأوضة و تقريباً نفس سنك إتصاحي عليها و
إتكلموا مع بعض بلاش تبقى لوحك كده

حنان : حد مين ؟

أول ماجدتي قالت الإسم نزل عليا زي الصاعقة

جدتي : ماريا إللي مأجره الأوضة دي هي كلمتي و إتي في المطبخ و قالتلي أقولك
إنها نازلة و هترجع لليل و بتقولك خلي بالك كويس على حاجتك و إنك لازم

تساعدني تلاقى حاجتها و قالتلي إنك هتفهني أول ما نزلت إتني صرختي في المطبخ

فجريت عليكي كلميا يا بنتي وساعدني دي شكلها برئ جداً و هادي

أنا كل دا مصدومة و خارصة مش قادرة أصدق إن ماريا طلعت لجديتي يا ترى إيه

حاجتها إللي عايزة اغني أدورها عليها و مين ماريا دي أصلاً إنس و لاجن و لا

أنا اتجنيت ولا إيه

حنان : طيب يا نينا لإشري العصير و تعالي أوصلك و أنا نازلة عشان عندي

مشوار لازم أروحه

جديتي : إتني مش قولتي هتيجي تعيشي معايا يا بنتي!!

انا فكرت في لحظة وقولتها

حنان : مانا مش هينفع أمشي غير لما ماريا تسافر و تخلص إيجارها

جديتي : يا بنتي أنا قلقانة عليكي

متقلقش يا نينا أنا هبتي كويسة و هعمل كل إللي بتقوليلي عليه

جدتي : ماشي يا بنتي على راحتك إتقي طول عمرك عايشة لوحدك و بدماغك و أنا
عارفة إني مهما إتكلمت مفيش فايدة

حنان : خلاص يا نينا بقا تعالي أوصلك وبعدين أكلمك و نشوف هيبك أمتي

جدتي : إللي يربحك يا حبيبتني

نزلت وصلت جدتي وانا في دماغي حاجة عمالة تقولي إن مفيش غير شريف هو
إللي عنده الحل وصلت جدتي و إطمنت عليها و أقعدت معاها شوية لحد ما نامت
و شغلتها القرآن و نزلت من عندها على العمارة عندي طلعت لشريف خبطت
علي الباب مكش موجود نزلت أخذت رقمه من البواب و كلمته كثير جداً مردش
أخذت بعضي و قولت أنا لازم أعرف ماريا دي مين عايزة مني إيه

طلعت و فتحت شقتي و قفلت الباب و فتحت البلكونات والشبايك كلها و
فتحت الأوضة و بفتح أوضه التمايل لاقيتهم غيروا مكانهم و مش بس كده نفس
البايره إللي كانت في المطبخ فيها كلام مش مفهوم زي الطلاسم تقدر تقول عليها
طلاسم بس لاقيت التمثال الكبير دا واقف قدام المراية ، بس المرة دي

المرآة كبيرة جداً من السقف للأرض و التمثال دا واقف قدامها و تمثال شهبي
بظبط واقف جوا الدائرة وقدامه تمثال لبنوته جميلة جداً الغريب إن في ٣ تماثيل
كان أنا معملتهمش دي تماثيل مين أنا حتى مشوقتش منهم غير التمثال الضخم دا
بس كان عليه تعديل يعني كان شبه المسخ بس المره دي كان ليه أكثر من أيد ،
قرنين كبار ، و عينين بتنور يعني ممكن تكون مصنوعة من الأزاز و وشه بيميل للفتح
كأن إلهي عامل التمثال دا كان يفكر في أسوء شكل ممكن يبقى لحد في العالم

بس في حاجه حصلت أول ما عيني جات علي المرآة إتكتبلي عليها ساعديني وأنا
باصه عليها لاقيت التمثال إلهي ورايا بيتحرك والباب اتقفل وبلف

قال : أهلا بيكي في عالمنا أنا جمايل

و قام و وقف و بدأ حجه الضخم يصغر لحد ما بقى قريب لطول البشر و وشه بدأ
يتغير لوش بشري فضل يغير وشه لحد ما وقف على وش معين بلون قمحي و عينين
واسعه لونها شديد السواد و تميل لشكل عيون القطط المشقوقة من النص أنا
إتشليت مكاني بجاول أقول أي آيه قرآنية أتكلم ، أعمل أي حاجة مش قادرة
حاولت أقوم لاقيت حاجه مكتفاني لحد رجلي و التمثال إلهي كان شكلي اختفى و أنا
إلهي بقف مكانه وقدامي تمثال البنت الجميلة ، ماريا بتصرخ مطلعش تمثال أي بنت

التمثال الثاني كان لماريا و كان فيه كائنات حولها شبه الأقدام صغيرين جداً بيكتبه
على جسمها كله حروف و أرقام و عند دهرها من ناحيه الجزء العلوي كاتبين

(٥٩) نوم ه نياخ باقع) و غرزوا القلم في كتف ماريا و نزت دم كبير جداً الدم
نزل علي الدايره الحروف و الأرقام بقت كأنها مكتوبة بالنار رفعت عنيا ليا وأنا وهي
مكتفين وقاتلتني ساعديني وخرج من شفايفها سائل اسود وشعرها بدأ يقع و جلدھا
وجسمها كأنهم بيتحرقو كانت بتتسلخ حرفياً و بصرخ ساعديني أرجوكي ساعديني
إدفيني إدفيني إدفيني و بدأت الأقدام دي تطلع على رجلي أنا كبان حاولت أقول
أي حاجة

حنان : بسم الله بسم الله الرحمن الرحيم سلام قولنا من رب رحيم وبدأت أقرأ
بعض الآيات القرآنية و جهابيل ضحك أوي و شالني من الدايره و حدفتني علي
الحيطة إتخبطت وقعت علي الأرض وسمعت صوت بينادي عليا وبيخبط جامد علي
الباب

شريف : إتني هنا سمعاني أنا بمحاول أكرس الباب مفيش فايده سمعاني حنااا
لو جوا إعملي أي إشاره لسه بمحاول أوصل للباب جهابيل خبطني علي دهرني كأنه
كسره مقدرتش أقف ولا أعمل أي حاجه جرنني من رجلي الشمال علي الأرض و

رماني في النايره إللي مليانة طلاسم ووقف قدام تماثيلي و قال كنفوها التماثيل
إتحركت وصرخت في وشي وكفتني عشان مصرخس وبدأت كائنات الأقدام
يطلعو فوقي و حاولو يكتبوا حاجه علي جسمي و فجأة شريف يكسر الباب و
المشهد كله يتغير في لحظه كل تماثيلي حواليا فعلاً بس متكسره والنور ينور وكل
حاجه ترجع تمام ماعدا المراية و تماثيل جهابيل اللي اتحول لتماثيل علي شكل بشري
بقناع ظلي جالس علي مصطبة في الأوضة أول مرة أخذ بالي منها أو أشوفها أصلاً

طبعا فقد الوعي و شريف وداني المستشفى

اول ما فوقت كنت حاسة إنني مشلولة مش قادره أتحرك فتحت عينا و بمحاول أقوم
من علي السرير لاقيت شريف يقول

شريف : إرتاحي إرتاحي إتني في أمان حمد الله علي السلامة

حنان: أنا جيت هنا لإزاي وإيه إللي حصل

شريف : انا إللي جبتك هنا و إللي حصل موضوع يطول شرحه تفوقني و نطلع من
المستشفى و أحكيك كل حاجه و أساعدك تطلعي من إللي إتني فيه إللي مش
عارف إتني دخلتي نفسك فيه لإزاي

حنان : أنا لازم امشي ماريا مش هتسييني في حالي لازم اهدها عشان تسييني في

حالي وشبحها يطل يطلعلي

شريف : مش هتقدر تعملك حاجة و أنا جنبك

حنان : ليه أنت تعرفها منين أصلاً

شريف : أنا عارف كل حاجة بس أرجوكي ا

إهدي

حنان : أنا عايزة امشي من هنا

شريف : هنادي الدكتور يشوف حالتك لو تسمح نخرجك

شريف راح ينادي لدكتور و أنا حاولت أقوى نفسي و أقوم من علي السرير و أنزل

لاقيت الأرض مكتوب عليها لو مساعدتنيش هاخذك للنفس اللعنة

ناديت شريف وقعدت أصرخ

حنان : كفاية كفاية بقي إتني عايزاني أساعدك إزاي إتني عاوزه مني اميخ

شريف جه هو الدكتور جري علي صوتي

شريف : إيه إللي حصل ؟ في إيه ؟

حنان : بص علي الأرض شوف مكتوب إيه

الدكتور : مفيش حاجة يا فندم عبي الأرض

حنان : لا فيه بص يا شريف بص

شريف : خلاص ماشي إهدي بقي هتتحل إن شاء الله

الدكتور : لازم نعرضها ع دكتور نفسي

شريف : لا مفيش داعي

الدكتور : متأكد ؟

شريف : اه متأكد و لو سمحت أنا عاوز أخذها و أمشي

الدكتور : حالتها متمسحش بعد إللي شوفته و لازم تتحط تحت الملاحظة علي

الأقل ٤٨ ساعة الجاين

حنان : شريف أنا مش هستحمل أقعد هنا أنا عايزة أروح أرجوك

شريف : ينفع يا دكتور اخدها علي مسؤوليتي

الدكتور : هيبقى علي مسؤوليتك

و المستشفي ملهاش أي علاقة بأي مضاعفات

شريف : تمام

الدكتور : ممكن تيجي دقيقه معايا نخلص الإجراءات

شريف : طبعا

خلص شريف الإجراءات وروحنا البيت

ودخل شريف الشقه عندي أقعدني علي الكنبه و بص حواليه ع الصاله كلها

شريف : إتني كويسة

حنان : أحسن شوية بس عطشانه

شريف : ثواني أجييلك ماية

لسه هقوله مكان المطبخ لاقيته دخل وجاب كوباية مائة وطلع إستغريت أوي إزاي
فتح الباب و عرف إنه باب المطبخ هنا قوتت ممكن نظام الشقق شبه بعضه
شريف : إتفضلني سمي الله وإشربي وإبتدي إحكي لي إلي بيحصل من يوم حادثة
سرقة الشقة لحد امبارح

استغريت جداً لأن الحادثة دي أنا فكرت إنها حلم طلعت كانت حقيقة بس أنا
إخفتيت بعدها شهر بردو محدش عرف عني حاجة إزاي كنت فين المهم إني

قعدت أحكيه عن كل إلي حصلي و عن التايل و عن التهديدات ، و الطلاسم
وكل حاجة حصلت كل حاجة شوفتها وهو كان قاعد مستمع ليا كويس جداً و متأثر
بكل كلمة بحكيها بدأ شريف يفسر لي إلي بيحصلي

شريف : أنا عارف إن كل دا و أكثر كمان حصل و عارف كمان إيه سبب كل دا أنا
هحكيتك كل حاجة بس إلي أنا هحكيه عايز تفكير بعقل من غير أي إشغال و لا
حتي إنك تقاطعيني

حنان : مش هقاطعك بس قولني اي حاجة تقنعني إني مش مجنونه و إن كل دا
حصل و إنك مصدقتي

شريف : أيوا حصل و مصدقك جداً كان

إنتي إللي بتشوفيا دي و إللي كتبتلك و حاولت تتواصل معاكي إسمها ماريا صح

حنان : صح صح والله إسمها ماريا

شريف مد ايده في جيبه طلع صوره من المحفظة

شريف : هي دي

حنان : أيوا هي دا هي بظبط

بدأت عينه تلمع كأنه هيبكي

حنان : مين دي إنت تعرفها تعرف مالها هي عايشة فين ؟ عايشة أصلا و لا

ميتة!! رد عليا حصلها إيه ؟ اساعدها إزاي عشان ترجع حياتي طبيعية

شريف : إهدي إهدي هقولك والله العظيم هقولك كل حاجه بس إهدي

ومتقاطعنيش وركزي

ماريا كانت خطيبتي

حنان : خطيبتك ؟

شريف : أه كانت خطيبتى

بص لصورتها بحزن

شريف : كانت أجمل بنت شافتها عيني حبيتها من أول يوم شوقتها فيه وهي كان
حبتنى بس مع الوقت اكنشفت إن الجمال مش كل حاجة و إن الطموح الممزوج
بطمع بيودي صاحبه ورا الشمس

حنان : مش فاهمة

شريف : الحكاية كلها بدأت بإن ماريا كانت بتحب تشوف الطالع و كانت بتروح
لعرافة غجرية لإسمها حسية فضلت تروحها من وقت لتاني تشوفها الطالع و تقرأ
الكوتشينه و التاروت و الكلام دا

و في يوم قائلها أنا هعلمك حاجة أحسن من الطالع وقرائة الكف و الكلام دا إتني
هتاخدي الكتاب دا تقره هيبتي معاكي علم وفلوس و عمر ماحد هيبتي قدك ولا
زيك وكل إللي يشوفك يسمع كلامك وهو مغمض الكتاب دا بيتورث عندنا مايننا
و بين بعد في القبيلة بس لأنك حبيبتى خديه و إعميلي بيه كل إللي إتني عاوزاه بس
إياكي و الرجوع في عهدك معاهم في يوم من الأيام ، و إياكي ترجعهمولي تاني ،

فرحت ماريا جداً لأنها بتحب عالم الجن و الحفايا والدجل والحرافات دي زي عينها
كانت ماريا تقريبا ليل نهار بتقرأ الكتاب وتحاول تعمل إللي تفهمه منه و إللي مش
فهمها لحد ما جت في يوم و إعرفتلي إنها وهي بتقرأ الكتاب دا حضرت جن إسمه (
جمايل) إنها عملت معاه عهد إنها هتعمله طلب قدام طلب يومها قعدت أتخاق
معاهها و أقولها إحنا وصلنا لكده إنتي خلاص اتجننتي بس للأسف كان ردها عليا
محزن للغاية لان كان فات الاوان وهي كانت صارحتي بالموضوع متأخر اوي دا غير
إنها مع الوقت بدأت تخاف من جمايل ودا لأنه بقي يطلب منها أمور أصعب من
الأول وكانت جيالي لأن الطلب الأخير لها عمله مقابل إنه هياخد روح أو بعني أدق
يخليها تقتل حد من إللي حوالها

حنان : ايه ؟ قتل ؟

شريف : اه قتل ، والصدمة إنها وافقت ومش بس كدة دا الشخص الي إختاره
جمايل كان أنا وهي جاتلي عشان تشوف حل وعشان هي بتحبني ولا يمكن إنها
تقتلني أو تقدمني ليه قربان حاولت أردعها عن الطريق دا أكثر من مرة لما ملاقتش
أمل اضطريت إنني أسبوع وبعدها ياسبوع لاقيت الكتاب قدام باب شقتي القديمة
و معاه رسالة وداع و إعتذار ملخصها إنها عشان ماقتدش الأمر دا معناه خيانه
للعهد ودا يوصلها إنها يتحكم عليها بالعذاب و إن جمايل وقايلته هياخدو حقه منها

وانها تستاهل إلهي هي فيه نزلت جريت ادور عليها قعدت سنتين علي أمل إني
الأقيها لدرجة اني بعث شقتي وجيت قعدت فوق شقتها كل يوم أستني رجوعها لحد
ما إتي ظهرتي في حياتي وبدأت أنجذبلك أنا المقصود باللعنة هي بتنتقم لأنني حبيتك
إلهي مش فاهمه هي ليه بتطلب منك المساعدة برغم إنها عاوزة الانتقام قطع كلامه
إننا سمعنا صوت

الصوت كان جاي من أوضه التماثيل صوت تكسير و صراخ و كانت الحيطان
بتشقق و يحصل فيها شروخ و يتكتب بالدم علي الحيطان ماريا الخائنه و من ناحيه
تانيه بيتكتب اتقذيني كنت خايفه و بصرخ بس إلهي مكنتش متوقعاه أن شريف
سامع وشايف كل ده

شريف : اعوذ بالله من الشيطان الرجيم ايه إلهي بيحصل ده ؟

حنان : أنت شايف انت شايف و سامع إلهي بيحصل

شريف : اه أنا شايف كل حاجة أنا

فجأة سمعنا صوت غليظ جداً بيتكلم و يقول

جمايل : اخيرا عاد لي قرباني الاخير

حنان : أنا عارفة الصوت ده الصوت ده بيطلع من التمثال الغريب إللي في الأوضة
التمثال ده أنا معمלתوش

أحمد : عشان ده مش تمثال ولا روح ده الجن إللي حضرته ماريا و الغريب إن أنا
وصديق لياكل فترة بنعمل تحصين معين عشان تقيده لكن ولا مره ظهر

حنان : اهو ظهر هنعمل ايه ؟

شريف : أنا هتصل بصديقي

أثناء اتصاله طلع جمهايل من الأوضه لصاله من وهل منظره شريف وقع منه موبايله
و بدأ يذكر الله ويقول آيات من القرآن و أنا كمان بدأت اذكر الله و استغفر
مكنتش قادرة كان فيه حاجة مسيطرة عليا

جمهايل كان رايح في إتجاه شريف و بيضحك بشكل هستيري مرعب مد أيده
ومسك شريف من رقبتة رفعه من علي الأرض و قربه منه

جمهايل : مستغرب من ماريا فيك ايه مميز يخليها تقبل الجحيم ولا إنها تنذيك!!

شريف وهو مش قادر يتنفس: إنت الجحيم من البداية إنت السبب إنني اخسرها

شوفت نفس الشقه وشوفت جهاميل و ماريا قاعده في حضنه بشكله الشيطاني
وراس الظبي ده و يقولها كل احلامك حقيقه مقابل قتلك لشريف بتبصله وتبتسم
و يتغير المشهد كله ، بشوفها في الصاله بتترجاه إنه يعتمها من العذاب ويضرها بالقلم
بتقع علي الأرض ووشها بينزف بيجرها من رجليها و ياخذها للاوضه إللي أنا حاليا
حاطة فيها التماثيل الأوضاع دي كان فيها الكتاب و كانت فاضيه مفهاس غير الحریم
دي واقفه وبتعمل نفس الحركات

بتحاول ماريا تمسك في الأرض وبتحاول تكتب حاجة بلغه غريبه و حروف علي
الأرض و بتظهر من العدم بنت جميله بفستان غريب جدا زي فساتين العجر أو
الاسبان و شعرها طولي جدا ومجمد بتدوس علي أيد ماريا وهي بتكتب علي
الأرض و بتشد ماريا من شعرها وتوشوشها في ودانها و تهبد دماغها في الأرض
هبة مايبتهركش بعدها جسد ماريا خالص لكن الغريب إني شوفت جسد ماريا
في الأرض و واحدة توأمها بالظبط في دائره النار بتتسلخ و تصرخ من الحرق و
التعب و بتبصلي وتشاور و تقولي إقذيني إقذيني

بفتح عيني بلاقي إن شريف فاقد الوعي و بيتجر علي الأرض زي ماريا

بجاول أقوم و اذكر الله و أقول بعض الآيات تأتي بدأ جهاميل يرمي رجل شريف علي الأرض ويقرب مني سمعت الجرس بين فضلت اقرأ و أقول في آيات من سورة البقرة والصفات و أجري ناحيه الباب فتحت الباب لاقيت شاب من عمر شريف شكله متدين أول ماشافني قالي أهدي أهدي إن شاء الله كل ده هيخلص وقعت علي الأرض و مقدرتش أتحرك

دخل صاحب شريف أول ما دخل الحرم فضلت أصرخ جامد وتجري و الأقدام بدأت تطلع من الحيطان تجري ناحيته و هو يقول آيات معينه و يرش مائه تقريبا او حاجة كدة بإيده يهروا كلهم من قدامه جهاميل ماهريش بدأ حجه مختلف و صاحب شريف مستمر في اللي بيعمله و جهاميل بدأ شكله يتغير ويقول لصاحب شريف مش هسليك مش هرحمك مش هتقدر تنتصر عليا و صاحب شريف مش بيتأثر

بدأ شكل جهاميل يتغير لحد ما ظهر من العدم طفل صغير عمره مايكملش ال٦ سنين بيعيط و يقول سيبه يا بابا سيبه لو قتلته هيقطنني هفضل اتعذب يا بابا و مع ذلك صاحب شريف ده مستمر و الطفل يصرخ و يعيط لحد ما بدأ صوت صاحب شريف يرق و يتوتر و بدأ يسكت نط الطفل عليه

فجأه و جرحه في رقبته

و قاله أنا همشي بس هرجع و أنتقم لقبيلتي و هقتلك زي ما قتلت مراتك و ابنك
قبل كدة

وإخنتني و مع اختفائه اختفت كل حاجة من الشقه و رجعت ثاني زي الاول بس
كانت مليانه دخان دخان كثير جدا كأن في حريق في الشقه

إحنا كنا صاحيين بس مكنش فينا حد قادر يقف علي رجله ، حاولت أقوم و رح
ناحيه شريف أنا و صاحبه حاولنا نقوه و شيلنا قعدناه علي الكنبه في الصاله و
طلع صاحب شريف ازازة مائه صغيره من جيبه و قالي اشربي بصراحه انا كنت
متردة لكن هو شرب منها و شريف أنا رفضت و دخلت شربت مائه من المطبخ
لكن الغريب إني لاقيت بيتكذب بخط ضعيف إقتذيني إ د ف ن ي ن ي علي
أرض المطبخ صرخت و طلعت أجري من المطبخ عليهم و قولتلهم علي إللي شوفته

شريف : أنا حاسس إن ماريا بتحاول المرة دي تتواصل معنا بجد مش الجن

حنان : و أنا كمان أنا وقت ما صاحبك دخل بدأت أفقد الوعي و شوفت زي حلم
كده و حكيت كل إللي شوفته

صاحب شريف : بقولك ايه ماتوريني الأوضه إللي شوفتي فيها الحكم و حلقة
العذاب كدة

حنان : الحكم ! حاضر اهيه

صاحب شريف : قوم معايا يا شريف أسند عليا

شريف : أنا كويس متقلقش تعالي نشوف انت عاوز توصل لايه

حنان : إنتفضلوا الأوضه اهيه كنت يشيل فيها التاثيل و هي فاضيه مفهياش حاجة

مفهياش غير السلمه أو المصطبه دي دي اللي كان عليها تمثال جهاميل

بدأ شريف يروح ناحيه المصطبه هو وصاحبه و بدأ يجبط عليها ويقول

شريف : أنا كنت دايمًا بزور ماريا عمري ماشوفت السلمه دي موجودة

حنان : مایمكن عملتها بعد ما سابتك

شريف : لا أنا شاكك في حاجة

حنان : مش معقول يكون قصدك إنها مثلاً مخبیه حاجة تانيه في المصطبه دي

شريف : أنا شاكك إنها جوه المصطبه دي

صاحب شريف : يعني قصدك إنها اتقتلت و إدفنت هنا

شريف : أنا متأكد من كدة مفيش معني لوجود الغجيره هنا غير كدة ده لو علي
رؤيه حنان للحصلها

حنان : أنا كان شكيت في كدة

شريف : المهم إحنا لازم نتأكد ادهم خد مفاتيح شقتي أطلع هات من البلكونه
المطرقة

ادهم صاحب شريف : حاضر

حنان : أنا دي البواب ؟

شريف : لا طبعا لانك لو ناديتيه هيعرف إن عندك جته في الشقه ده لو شكوكنا
كانت في محلها

حنان : و افرض هنعمل ايه ؟

شريف : أنا و ادهم هنحلها

نزل ادهم ومعاه مطرقه و شاكوش و بدأوا يكسروا في المصطبه عشان الصاعقه تقع
علينا كلنا ، ماريا كانت فعلا مدفونه في المصطبه بنفس اللبس اللي شوفتها بيه في
الحلم زاد بس ع اللي شوفته خاتم في غايه الجمال و الروعه في أيديها و كانت لونه
زاهي برغم إن الجثمه شبه متفحمه و متحلله إلا إنه كان له بريق غريب

حنان : ينهار أزرق مصييه مصييه و هندخل فيها كلنا السجن

شريف : ششششش و طي صوتك أنا عندي الحل

ادهم : ايه الحل يا شريف؟

شريف : انت هتنزل دلوقتي حالا تجيب عربيتك و أنا وحنان هنتصرف في الباقي
هنا علي ماتيجي

حنان: لا حنان ايه ؟ أنا خلاص مش هتعمل أكثر من كدة

شريف : مفيش حل ثاني لازم أنا و اتتي نشوف أي حاجة نخطها فيها دلوقتي

حنان : ليه هتعمل ايه ؟

شريف : دوري معايا بس معنديش صندوق كبير و كرتونه أي حاجة زي كدة

حنان : تقريبا عندي كرتونه التلاجه تنفع ؟

شريف : أي حاجة نخطها فيها بس دلوقتي

روح احيب الكرتونه و قفلتها تاني بالبلاستر رجعت لشريف إللي لاقيته قاعد

بيبيكي و منهار جنب جثة ماريا

حنان : لسه متعلق بيها!!

شريف : لا أنا بس صعبان عليا إللي وصلته

حنان : أنا جبت الكرتونه و قفلتها

شريف : طيب شيلي معايا

حنان : حاضر

بدأنا ندخلها في الكرتونه و قفلنا الكرتونه عشر دقائق و ادهم رن الجرس فتحت له

الباب ..

شريف : يلا يا ادهم شيل معايا

ادهم : هناخدھا علي فين بس فهمني

شريف : علي مقابر العيله الحمد لله إن أنا اللي معايا المفتاح بتاعها

حنان : ايه مقابر مقابر إيه إنت عارف الساعه كام الساعه ١٠ بليل

شريف : و الله دي احسن حاجة إنها بليل و مش هيطلعلنا أكثر من اللي شوفناه

هنا ماريا لازم تتدفن في مكان بعيد عن الشقه دي

حنان : يعني هنروح المقابر دلوقتي

شريف : اه وبعدين إتي محسساني إنها في اخر الدنيا مش ربع ساعه ونكون هناك

حنان : هو أنا لازم اروح معاكم

شريف : للاسف اه بس أنا مش هدخلك ناحيتها اتتي هتسوقي بس و توصيلنا

لأقرب حتة هناك و هوقلي العريه عليك و متفتحهاش حتي لو شوفتينا ينتقطع

قدامك فاهمه توصيلنا و تروحي علي جدتك علي طول فهاني

حنان : طيب..طيب

شريف : يلا اغسلي وشك و حاولي ماتبينيش حاجة عليك واتي نازله و أنا و

ادهم هنحصلك

حنان : حاضر حاضر

و بالفعل أخذت مفاتيح العريبه من ادهم و ركب العريبه و هما نزلا بعدها بربع ساعه و حطو الكرتونه فوق العريبه ، و ربطوها كنت مرعوبه يحصل حاجه و تتكشف لكن مكنش في حد في الشوارع وقتها وقرب المقابر وقبل المنطقه المقطوعه دي نزل شريف و ادهم و نادوا علي حد و ادوله فلوس و الشخص ده شال معاهم الكرتونه ودخلوا المقابر و أنا شاوري شريف عشان أمشي أخذت بعضي و مشيت بس ماروحتش لجدي رجعت لشقتي ..

معرفش ليه حسيت بالتعب و إني هرتاح فيها برغم كل إللي حصل دخلت و قفلت علي نفسي و شغلت القرآن في الراديو بصوت عالي و دخلت أوضتي و بدأت أنام علي السرير...

حلمت حلم غريب حلمت إن ماريا جت و شكرتني علي إللي عملته معاه و خلعت الخاتم و إدهوني و سمعت صوت غليظ في الحلم بيقولي ده شبكتك و قمت علي الصوت ده مفزوعه سميت الله و أخذت كوابيه المايه من علي الكومود اللي جنبني عشان اشرب عشان اتصدم بإن الخاتم إللي كانت لابساه ماريا وهي جئته و اديتهوني في الحلم جنبني علي الكومود جريت علي الموبايل و أتصلت بشريف و سألته

حنان : ألو يا شريف إنت فين ؟

شريف : أنا و ادم في الطريق اهو عنوان جدتك بالظبط ايه و أنا اجيلك دلوقتي
اطمن عليكي

حنان : جدتي ايه أنا في شقتي

شريف : و إيه إللي رجعت هناك مش أنا محذرك

حنان : شريف خلينا في المهم إنت خلعت الخاتم إللي كان في أيدي ماريا من ايدها و
سييته هنا

شريف : ايه خاتم ايه ؟

حنان : خاتم كان في أيديها أنا متأكدة

شريف : أنا ماشوفتش اي خواتم في إيه يا حنان أنا جاي دلوقتي

حنان : لا خلاص ماتجيش أنا هبقي كويسه تقريبا بيتهيألي أنا هرتاح هنا الليله دي
و بكره هروح لينا

شريف : أنا معاكې و مش هسيبك ولو احتاجتي حاجة أنا موجود بس حاولي

ماتبتيش الليله دي لوحدهك اتصلي بأبي حد ييات الليله دي معاكې

حنان بتردد: حاضر سلام

شريف : سلام

بصيت للخاتم و الصوت بيردد في دماغني الخاتم ده شبكتك اتني ملكي الان

—————النهاية—————

هذا العمل موثق برقم ايداع باسم الكاتبة نورهان احمد فتحي ولا يحق نشره دون علم
الكاتبة

للتواصل مع الكاتبة علي مواقع التواصل الاجتماعي لفرصة الفوز ياخذى اعمال
الكاتبة الورقية

<https://www.facebook.com/profile.php?id=100035428641852>

<https://www.facebook.com/norhanne12?mibextid=ZbWKwL>

<https://norhanahmedfathiblogspotcom/?m=1>